

**EIGHTH LEGISLATIVE ASSEMBLY OF MIZORAM
(NINTH SESSION)**

LIST OF BUSINESS

FOR FIFTH SITTING ON MONDAY, THE 28th FEBRUARY, 2022
(Time 10:30 A.M. to 1:00 P.M. and 2:00 P.M. to 4:00 P.M.)

QUESTIONS

1. *Questions* entered in separate list to be asked and oral answers given.

LAYING OF PAPERS

2. **PU ZORAMTHANGA**, hon. Chief Minister to lay on the Table of the House a copy each of the following:
(i) Economic Survey of Mizoram 2021-2022.
(ii) 15th Annual Report of the Mizoram Information Commission.
3. **DR. R. LALTHANGLIANA**, Minister to lay on the Table of the House The Mizoram Epidemic Diseases (Covid-19) Regulations, 2022.
4. **PU LALCHAMLIANA**, Minister to lay on the Table of the House Notification issued under the Mizoram Goods and Services Tax Act, 2017 w.e.f. 10.7.2021 – 17.1.2022.

FINANCIAL BUSINESS

5. **DISCUSSION AND VOTING ON SUPPLEMENTARY DEMANDS FOR THE YEAR 2021-2022**
Discussion and voting on Supplementary Demands for the year 2021-2022.

LEGISLATIVE BUSINESS

Bill for introduction, consideration and passing

6. **PU ZORAMTHANGA**, hon. Chief Minister to beg leave of the House to introduce “The Mizoram Appropriation (Supplementary Demands for Grants 2021-2022) Bill, 2022”

ALSO

to introduce the Bill

to move that the Bill be taken into consideration

AND

to move that the Bill be passed.

7. **PU ZORAMTHANGA**, hon. Chief Minister to beg leave of the House to introduce “The Mizoram Road Fund (Amendment) Bill, 2022” (A bill further to amend the Mizoram Road Fund Act, 2007)

ALSO

to introduce the Bill

to move that the Bill be taken into consideration

AND

to move that the Bill be passed.

FINANCIAL BUSINESS

8. **GENERAL DISCUSSION ON THE BUDGET FOR THE YEAR 2022-2023**
General discussion on the budget for the year 2022-2023 (to commence).

H. LALRINAWMA
Commissioner & Secretary

SPEAKER : *Mihring rin ai chuan Lalpaa rinna nghah hi a tha zawk a ni.*

- Sam 118:8

Vawiinah hian Member zahawm tak Pu C. Lalsawivunga taksa harsatna avangin a lo kal thei lo a ni. *Zawhna & Chhanna* kan la nghal ang a, Starred Question No. 41 zawt turin member zahawm tak Pu Zodintluanga Ralte ka sawm e.

PU ZODINTLUANGA RALTE: Pu Speaker, ka lawm e. A hmasain Pu Speaker, nangmah kaltlangin ngaihdam ka rawn dil hmasa a. He zawhna hi Agriculture Department a zawh tur, Horticulture tiin ka lo ziak palh hlauh mai a, amaherawhchu kan House Leader zahawm tak chan a lo ni hlauh a, vannei ka inti a, ka Starred Question No. 41 chu -

- a) Oil Palm hi Mizoram-ah nasa zawka ching tura hmalakna a awm em?
- b) Nasa zawka Mizoram-a Oil Palm ching tura hmalakna a awm a nih chuan, Sorkar laipui lam atanga nawr luihna vang nge, Mizoram sorkar-in tanpuina dilin sorkar laipui lama Oil Palm nasa leh zuala ching tura tanpuina a dil vang?

SPEAKER : A chhang turin Chief Minister zahawm tak Pu Zoramthanga, Horticulture Department changtu ni bawka ka sawm e.

PU ZORAMTHANGA, CHIEF MINISTER: Awle, Pu Speaker, Member zahawm tak Pu Zodintluanga Ralte zawhna, Oil Palm hi Mizoram-ah nasa zawka ching tura hmalakna a awm em tih kha, amah pawhin a rawn sawi ang khan, zawhbelhna thenkhat keiina ka sawi chian kim theihloh te a awm anih chuan midang, kan Minister in-charge dang ten min lo puilh theih chuan a lawmawm ang a. A chhanna chu –

- a) Oil Palm hi Mizoramah nasa zawka ching tura hmalakna a awm lo.
Kum 2005 atanga kalpui dan kha a pangngaia la kalpui reng a ni.
- b) Sawrkar laipui lam atangin Mizoram-ah Oil Palm ching tura nawrluihna a awm hran lo. Mizoram sawrkar-in sawrkar laipui lamah Oil Palm nasa leh zuala ching tura tanpuina a dil lo.

SPEAKER : *Zawhbelhna* zawt turin Pu Zodintluanga Ralte, zawhna neitu ka sawm e.

PU ZODINTLUANGA RALTE : Pu Speaker, ka lawm e.

Hei, kan hriat theuh angin Oil Palm hi hmar lamah chuan Bukvannei-ah khawl a awm a, Oil Palm chingtute eng emaw zat chuan eizawna nghet an neih phah a. Chhim

lam Lunglei District leh Lawngtlai District-ah te sawn hun rei tak atang khan Oil Palm hi chintir an ni a. Amaherawhchu, vawiin ni thlengin Sorkar-in a agreement a lo siampui company-te factory din ala ni lo a, an khawngaih thlak em em mai a, an tha leh zung an senna ram tha tak tak Oil Palm hmuna an lo siam te kha, han kih dawnin kih mai theih a ni tawh si lova, khawl hmanga kih te a lo ngai a. Chutianganga kan farmer tam tak Oil Palm lo chingtute hi sorkar hian compensation (tanpuina) kan pe let thei em tih ka zawt a.

Tin, central atangin Prime Minister Scheme-ah edible oil tihpun turah khan Oil Palm hi 100 hq vel lai maiah Sorkar-in hmalak a tum leh niin kan lo hria a, hei hi kan Minister zahawm takin min hrilfiah theih ka ring a. Hengte hi a tih chi dawn em ni? Environmental lam atanga Mizoram-a kan mithiam Conservation of Mizoram, ASEP (Association for Environmental Preservation) te pawh hianin a thatloh zia leh Oil Palm hi chin belh tawhloh ni se tih thuchhuah pawh an nei a ni a. Prime Minister Scheme pawh ni sela, kan sorkar hian dah belha hi kan do ngam dawn lawm ni tih kha Pu Speaker, ka zawhbelhna a ni e.

SPEAKER : *Zawhbelhna* zawt turin member zahawm tak Pu C. Ngunlianchung a i lo sawm ang.

PU C. NGUNLIANCHUNGA : Pu Speaker, ka lawm e. Ka zawhbelhna –

- i) Oil Palm chingtute tharchhuah hi engtia tihral tur nge?
- ii) Oil Palm rahte hi a hralhna tur hmun bik siam a ni em?
- iii) Oil Palm chingtute hmanni lawkah khan an Account-ah ₹6,000 thun sak an ni a. Amaherawhchu hei hi equipment leina tur tiin nikum lam December thlaah khan an Account atangin an lakchhuah sak leh a, kha kha vawiin ni thlengin a bungrua (equipment) kha pekchhuah a la ni lova. Kha kha engtikah nge pek theih a nih ang tih ka zawhbelh e.

SPEAKER : Member zahawm tak Pu Lalduhoma i lo sawm ang.

PU LALDUHOMA : Pu Speaker, Oil Palm hi a Act meuh pass-a, contract farming-a kan kalpui hmasak ber chu MNF sorkar hmasaah khan a ni a. Amaherawhchu a duh duhin an ching a, an duhna hmun hmunah, vawiinah hian a then chuan JCB ruaiin an kar leh a, a zikte an zuar a, tam takin an tlakchhiat phah a. Tin, a lo ching hlawhtlingte awmna hmunah pawh a kawngte a awm lova. Ka han zawhbelh duh chu –

- 1) Support price hi engzatnge sorkar hian a pek? A pe tawh em?
- 2) A pe tawh anih chuan, engtikah nge a pek?

- 3) Environment leh ecology inkar a thalo tia sawina hi chhiar tur a tam em em mai a. Hei hi “a proof-na Sorkar hian a nei em, a lo ngaihven tawh em” tihte kha ka zawh belh e.

SPEAKER : Awle, member zahawm tak a zawttuin a sawi ang khan, hemi MLA chin chuan *Transaction of Business* hi kan en ngun tur a ni a, department hrang hrangte chanvo sem a hi. Tin, kan lo tih dan thinah chuan, tunah khan a zawhnaah chhanna kha kan han pe a. Horticulture a rawn zawh miao avangin Oil Palm concern-ah a lut ang a, Tichuan, Horticulture-a original zawhnaah a rawn lut leh ang kan lo ti a. Chu chu kan tih dan thin kha a ni a, chuvang chuan kan CM tan hian chhan vek a har deuh anih pawhin, kan sawi ang khan a theih ang chin chin chhang turin kan sawm e.

PU ZORAMTHANGA, CHIEF MINISTER: Pu Speaker, hei kan member zahawm tak tena an han sawi kha ngaihtuah tur leh ngun taka en tur a awm hlawm khawp mai a. Oil Palm hi a tha em em mai a, oil an pek chhuaha, an sawi chhuaha, a product pangaia a kal theih chuan a tha em em mai a. India ram pawhin edible oil, kan oil hmana hi kan indaihloh luat avangin beihpuia beih a ti a, hei, an rawn tharthawh leh chu a ni a. Amaherawhchu, a buaithlak ber chu, a chinna (production) ngaihtuah a ngai a, chumi rual chuan transportation ngaihtuah a ngai a, a pathumnaah chuan (processing) ngaituah a ngai a, a palinaah chuan a marketing. Chu chu kan bamboo project-ah pawh hian kan au hla leh central lam kan zuk nawrna a ni a. Hei hi kan tihfuh tawklo leh central pawh ina min ngaihpawihmawh dan an thiam tawk lohna lai, a insulpelhna lai a ni a.

Entirnan, phai lamah chuan an han ching a, a phurhna tur kha tractor tein phaizawl hmunah te an phur a, an ti zung zung mai thin a, kawng (transportation) kha problem lutuk a lo awm lova. Amaherawhchu, keiniaah chuan lirtheiin a phurhloh chuan, oil palm te chu thil rit lutuk a ni si a. Chuvangin khami pahnih kha a kal kawp a, a processing nen, marketing kha chu thukhat nisela. Khami pahnih kha keini ramah chuan a kal kawp rual tha ta lova, chu chu kan buaina ber hi a ni.

Entirnan, bamboo-ah pawh a phur khawmna tur kawng awmlah naah pawng chin vak ringawt kha chu a tha lo a ni. “Keini pawhin kan ching duh, kan ramah, kan huanah a tha”, tih kha chu a dik a, tha deuh maiin alo kal chhuak mai a, mahse transportation-ah khan heng oil palm te chu kan hriat angin tlai khaw hnua a sawrna khawla han tih ngawt chi a ni lova, darkar chuti zat chhung talin a sawrna khawl a thleng tur a ni, tih te a ni a. Hei hi kan tihfuh loh lai a ni a, a tha si a, kan ramah chuan a tha hluah hluah vek mai a ni. Amaherawhchu, a khawl awmna leh a phurhna tur kha kan lo ngaihtuah tawk lo tlang a, a chingtute leh a enkawl tuten khalam kha an lo ngaihtuah tawkloh avangin insulpelah khan problem lian a lo awm ta a, a pawh khawp a ni. Hei hi Central-

in lo nawr leh pawh ni se, kan chin sate hi kawng (road connection) a sawrna khawl hnaivaia dah hi hmasaa mi leh tuna kan lo tih te hi kan kalpui phawt loh chuan a thara pawng chin ngawt kha chu tih kan tum tawh lova. Hemi kan chin sa hi kawng leh a khawl nena in connect hnaihna tur kha kan hmalak tumna a ni.

Tin, “an khawngaihthlak a, compensation tih hram dan a awm em” tih kha a dik khawp mai a, amaherawhchu, kha aia pawimawh hmasa chu a kalkawng leh a khawl kha nawrpuia nawr phawta, chuta tanga a chinna tur nen kan hmeh rem erawh chu a ngai dawn a ni.

Tin, “Account atangin... bungrua an la hmu lo” tih kha chu ka hre chiah lova, ka depts. anih loh avangin min lo hrethiam ula, support price te pawh theih ang tawka central lamah han nawrpui zel pawh kan tum ang a, kan lo chin laklawh chin tal hi chu, khawngaihthlak taka an awmlohna turin hei hi chu kalpui kan duh a ni.

Tin, “environment leh ecology lamah hei hi a tha lo” tih kha inhnial nak nak a ni a, a thatlohnate pawh a awm ang a. Entirnan, a rah tlantu tur savate, ramsate, khati lam connect kha en a ngai ang a. Amaherawhchu, economic lam, a mipui, a chingtute min tihhausakna lam pawh kha en a ngai ve bawk ang a, a plus point leh minus point lehlam lehlam ah a awm a, chu chu sorkarin kan lo enzui ve zel a ni. Hei hi inhnial theih tak a ni a, ecology lam ringawt ngaihtuah chuan, keini pawh, “tumah lo vah tawh loh tur, thing, mau leh ngawte hi ti hian awm rawh se, tuman khawih tawh loh tur, chu chu environment leh thil dangah a tul a ni” ti ila a dik thlap mai a. Amaherawhchu, ramsa leh thil dang tan mihring kan in sacrifice a ni ve mai a, eizawna tur kan nei ve miah dawn lova, tichuan engtin nge kan awm ang? Keini ram angah development anih tur anga a la kal si loh chuan, tihte pawh a awm a, environment leh economy te hi kan en kawp a ngai a. Chuvang chuan khalaia kha inhnial theih tak a ni a, a dik ve ve tho a.

Amaherawhchu hetah hian, kan mipuite economy engtin nge kan tanpui ang tih hi kan ngaihtuahna No.1 a ni a. No.2-ah chuan ramsa, savate leh thil dang kha a dawt lehah a lo kal bawk ang a. Amaherawhchu, “India sorkar-in ching tam rawh u min ti” tia pawng tih ngawt kha phurrit thlen thei a nih avangin, kan adjust loh chuan an rawn nawr ang a, an duhthusam anga kan ram tan problem ni leh tur si kha chu kalpui kan tum hran lo e, kan mipuite economy te nena inmil, harsatna thlen lo tur zawnga kalpui kan tum tih kha ka chhan theih chin a ni e, Pu Speaker.

SPEAKER : Starred Question No. 42, zawt turin Member zahawmtak Pu Lawmawma Tochwawng ka sawm e.

PU LAWMAWMA TOCHHAWNG: Pu Speaker, ka lawm e. Home Minister zahawmtak chhan atana kan zawhna chu –

“Lunglei Fire Station hi tih changtlun tumna a awm em” tih a ni.

SPEAKER : A chhang turin Home Minister zahawmtak, Pu Lalchamliana ka sawm e.

PU LALCHAMLIANA, MINISTER: Pu Speaker, zawhnate ka chhan hmain, i phalnain thil dang deuh hlek han sawi ka duh a.

Nikum September session kha Covid avangin ka tel thei lova, Group leader zahawmtak Pu Lalduhoma, Serchhip bye-election-a a tlin leh hnua House-a a thut vawikhatna a ni a. Lawmpuina ka hlan ang ka ti a, ka hlan thei ta lova, wawinah hian group leader zahawmtak Pu Lalduhoma hi Serchhip bye-election-a a tlin avangin lawmpuina ka hlan a ni. Ani hi thil a zir peih a, a sawi thiam bawk si a, House ti ngaihnaawmtu a ni a, a lo tel leh hi a lawmawm khawpin ka hria a. Chutiang bawkin nikum bye-election-ah khan Tuirial bialah nasa takin party 3 te kan inep a, chutih laiah chuan MNF candidate Pu K. Laldawngliana a rawn tling hlah mai a, ani pawh thinlung taka ka lawmpui thu ka rawn hrilh a ni.

Member zahawm tak Pu Lawmawma Tochhawng zawhna, Lunglei Fire Station hi tih changtlun tumna a awm em tih chhanna chu -

“Lunglei Fire Station hi tih changtlun tum mek a ni” tih a ni.

SPEAKER : *Zawhbelhna* zawt turin Member zahawmtak Pu KT Rokhaw i lo sawm ang.

PU K.T. ROKHAW : Pu Speaker, ka lawm e.

Nikum Budget Session-ah khan Tipa Outpost hi SDPO post-a hlangkai tura ngenna ka lo siam tawh a, kan Minister zahawmtak pawhin a lo enzui tur thu min hrilh a. Tunah hian sorkarin hmalakna a awm em, engnge a chanchin khawngaihin min hrilh thei em?

SPEAKER : *Zawhbelhna* zawt turin a zawhna neitu Pu Lawmawma Tochhawng i lo sawm ang.

PU LAWMAWMA TOCHHAWNG: Pu Speaker, ka lawm e. Zawhna ka zawh hmain, Lunglei Fire Station dinhmun leh lawmthu sawina tlemte han sawi lawk ka duh a.

Nikumah khan kangmei namen lo kan tuar a, Lunglei khawpuiin. Khatih lai khan kan Chief Minister zahawmtak te, kan Deputy Chief Minister zahawmtak te leh kan Minister ten minrawn thlamuanin a chanchinte minrawn zawt a, an chungah kan lawm a, lawmthu kan sawi a. Chutihlai chuan kan Forest Minister leh MLA dangte pawhin min ngaihtuahin, a zana zanin anrawn thleng pheih a, kan thla a muang hle a. Min ngaihsaktu Minister zahawm tak takte chungah Lunglei mipui aiawhin lawmthu kan sawi a, a vawikhatna atan helicopter-in kang thelh kha a han ni ta bawk a, kan thlamuanna a nasa hle a ni.

Pu Speaker, tuna Fire Station building saw chim mai hlauhawm dinhmuna a awm tawh avangin thiah darh a ni a. Tunah sawn Saikuti Hall hnuaiah kan in ek beng a, a buaithlak khawp mai. September, 2020 atang khan Saikuti Hall hnuaia saw kan luah a ni. Thawktu hi mi 8 an awm a, indaihlohna avangin 2nd Battalion atangin mi kan pawt a, driver pangngai an awmlah avangin 2nd Battalion MAP atanga lo kalte motor khalh turin hman an ni thin a, a buaithlak khawp mai. (**Speaker:** I zawhnaah lut rawh aw, khawngaihin). Aw, ka lut nghal dawn e. Fire tender leh thil dang erawh saw chu a pangngai e.

Tichuan, ka zawhna chu hei hi a ni - “Eng ang takin nge Lunglei fire station hi tih changtlun tum anih tih leh, nikuma helicopter hmanga kang thelh naah khan engzat nge a senso?” tih a ni.

SPEAKER : *Zawhbelhna* zawt turin Pu Lalchhuanthanga ka sawm e.

PU LALCHHUANTHANGA: Pu Speaker ka lawm e. (... *audio failure*...).

SPEAKER : Lunglei station atangin Tuipang Outpost te Kangthel motor pek chungchangte a ni a, a theih theih chhang turin Home Minister Pu Lalchamliana i lo sawm ang.

PU LALCHAMLIANA, MINISTER: Member zahawm tak Pu KT Rokhaw zawhna kha chu PHQ lam chan deuh a ni a, amaerawhchu ka hriat danin ka han chhang tho ang a.

Duh anga sum leh pai kan neih tawh loh avangin Tipa-ah hian SDPO kan la dah thei lo a ni. Tipa chauh pawh a ni lova, hmundangte pawh a ni e, tih kha ka han sawi pah ang e.

Tin, zawhna neitu Pu Lawmawma Tochwawng khan, engang takin nge Lunglei fire station hi tihchangtlun tum a nih tih kha a rawn zawt a, hetiang hi a awmdan tlangpui chu a ni -

15th Finance Commission hian India ram pumpuiah Fire Service hi tihchangtlun nan cheng vaibelchhe 1000 a pe a, chu chu MHA-in state tinah project rawn siam rawh u a ti a, nikum khan kan thehthla daih tawh a ni. Kan project chu cheng 47,25,50,000/- a ni. Chungah chuan district headquarter-te - Lunglei, Siaha, Lawngtlai, Khawzawl, Saitual, Hnathial-te bakah Tlabung, Kulikawn leh Vairengte-a fire station awmte tihchangtlunna tur siam a ni a. Heng ah hian building sak te, fire tender thar 60 leina turte, firefighting equipment chi hrang hrang leina turte a ni a. Engzat chiah nge kan hmuh ang tih hi kan la sawi chiang ngam lova. Amaherawhchu, Finance Commission-in pawisa a earmarked a nih avangin engemaw zat hi chu pek theih turah kan ngai a. Chung zingah chuan Lunglei hi no.1-ah kan dah a nih chu.

Tichuan, nikum lama Lunglei chheh vel bakah Serchhip district leh Lawngtlai district a kangmei nasa chhuak thelh nan khan kan Chief Minister zahawm tak hmalaknain helicopter rawih a ni a, chumi rawihna chu an han bill ta mai a, cheng vaibelchhe 3 chuang zet a ni. Helicopter rawihna hi a tam khawp mai a, kan sum neih in a daihlo kan ti a, MHA-ah grant angin min kal tir mai rawh u kan ti a, kan ziak thla a, tun thleng hian a chhanna kan la hmu lo a ni. Tin, pilot ei leh in leh an riahnate bakah anmahni puitute nen a senso cheng nuai 3 bawr vel erawh chu tunah hian rulh fel tawh a ni tih kha ka sawi duh a ni.

Tin, Fire & Emergency Service a kalphung an loh neih ve pakhat a chu, driver an indaihlohin staff zingah khalh thiam an awm chuan “Authorized driving certificate” an pe a, chu chuan an khalh mai thin a ni tih kha kan sawi kai tel duh a ni.

Tin, Member zahawm tak Pu Lalchhuanthanga zawhna kha, vanneihthlak takin Disaster Mitigation Fund atangin tunlaia kangmei thelhna motor thar ber ber pathum lei kan hotuten min phalsak a, chung zinga pakhat chu Lunglei-ah kan pe pheih tawh a. DC office nikuma a kan pawh khan fire engine heta kan kawl te hi tangkai taka hman a ni e, tih kha ka chhanna a ni e.

SPEAKER : Starred Question No. 43, zawt turin Dr. K. Pachhunga ka sawm e.

Dr. K. PACHHUNGA : Pu Speaker ka lawm e. Hon. Minister Art & Culture chhan atana ka zawhna chu –

- a) District Museum, Lunglei sak lai mek hi engtik hunah nge zawh a nih ang? A sak nan hian khawi atangin nge sum hmuh a niha, cheng engzat nge hmuh a nih?
- b) District khawpui hrang hrangah te hian Art & Culture District Office din tumna a awm em?
- c) Mizoram Secretariat-ah hian Record Room siam tumna a awm em? Office hrang hranga Record hluite hi Mizoram State Archives-ah dah thin an ni em?

Ka lawm e.

SPEAKER : A chhang turin Art & Culture Minister zahawm tak Pu R. Lalzirliana i lo sawm ang.

PU R. LALZIRLIANA, MINISTER: Pu Speaker, ka lawm e. Member zahawm tak Dr. K. Pachhunga zawhna chhanna te chu –

- a) District Museum, Lunglei a sak lai mek hi June, 2022-ah zawh tum a ni. He building sakna hian Ministry of Culture, Govt. of India atangin ₹827.21 lakh hmuh tur a ni a, tun thlengin ₹413.61 lakh hmuh tawh a ni.
- b) Tun dinhmunah chuan Art & Culture District Office thar District khawpuiyah te din thar tumna a awm rih lo.
- c) Tun dinhmunah chuan Record Room siam tumna a awm lova, Mizoram State Archives-a Record vawnthat te hi National Archive of India, New Delhi atang te, West Bengal State Archive, Kolkata atang te, Assam State Archives atang te, Aizawl District DC Record Room atang tea lak a ni a. School Education Department atangin tlem a zawng Directorate of Art & Culture in dilin an la bawh a ni.

Kan Department Record te hi District Council hmalama mite an ni deuh vek a, Mizoram Public Record Room 2011 leh Mizoram Public Record Act 2014 passed hnu pawh hian a danglam chuang lo a ni. Department leh DC Record Room a mite pawh hi dan zawm vanga min pek pawh a ni lem lova, department ten an dil chhuah a ni. Vawi tamtak department pual in record vawn that dan te zirtir a buatsaih a ni tawh a. Record Room din tur leh record pawimawh state archives a transfer tura ngen pawh hian awmzia a awm tam rih lo a ni Pu Speaker.

SPEAKER : Starred Question No. 44, zawt turin member zahawm tak Pu C. Ngunlianchnunga ka sawm e.

PU C. NGUNLIANCHUNGA: Pu Speaker, ka lawm e. Ka zawhna, Starred Question No. 44 –

“Kelkang daia kuhva tawlhruk man kha Champhai DC-in nge man a, Pi Maria CT Zuali, MCS-in” tih a ni e.

SPEAKER : A chhang turin Home Minister zahawm tak Pu Lalchamliaana ka sawm e.

PU LALCHAMLIANA, MINISTER: Pu Speaker, Member zahawm tak Pu C. Ngunlianchunga zawhna chhanna chu –

“Pi Maria CT Zuali, Deputy Commissioner, Champhai District a ni” tih a ni.

SPEAKER : *Zawhbelhna* zawt turin a zawhna neitu Pu C. Ngunlianchunga, member zahawm tak ka sawm e.

PU C. NGUNLIANCHUNGA: Pu Speaker, ka lawm e. A chiang khawp mai. Chutihrual chuan Pu Speaker, khawngaih takin kan Minister khan min lo chhinchhiah sak se la, zawhbelhna hi ka nei nual a -

- i) Hetia kuhva hi man a niha, Champhai DC Pi Maria CT Zuali laka FIR thehluh anih takah hian sorkar aiawha Champhai District-a awm mek Pi Maria CT Zuali, MCS hi sorkar aiawha awm/duty anga ngaiin sorkar hian prosecution hmangin Court thlengin a chhan dawn em?
- ii) Kan ramah smuggling kan sorkar hian a phal em?
- iii) Kuhva tawlhruk/smuggled goods leh a kaihnawih chungchangah Mizoram sorkar hian kuhva tawlhurutute hi mana hrem a tum em?
- iv) Sorkar hian a hmuna zirin smuggled goods hi mipui thenkhatte tan sumdawna leh inhlawhfakna hlawk tak a niin, ram mipui thenkhatte duhsak avangin a haider tawh thin em?
- v) Kuhva tawhruk chungchangah hian Mizoram sorkar hian engnge hmalakna a neih?
- vi) Kuhva tawlhruk chungchangah hian Police lal inrawlh awm anga thu, January ni 28, 2022-a party pakhat press conference-ah khan chiang taka sawi lan a ni a. “Hetah hian Police lal hi inrawlh an lo awm reng em, Lo awm ta se, eng anga hmalak zui nge a nih” tih ka zawt a. Chutihrual chuan, an lo awm lo anih chuan, “hemi chungchang hi sorkar hian bawhzuina emaw, ngaih venna/hmalak zuina a nei reng em” tih ka zawhbelh a ni e. Pu Speaker, ka lawm e.

SPEAKER : *Zawhbelhna* zawt turin member zahawm tak Pu H. Biakzaua ka sawm e.

PU H. BIAKZAUA : Pu Speaker, ka lawm e. Ka zawhbelhna chu - District “Magistrate-te hian illegal goods an man te hi an man veleh a hmunah tih ral emaw, tihchhiat theihna Dan an nei em” tih a ni e.

SPEAKER : A theih ang ang chhang turin Home Minister zawhawm tak Pu Lalchamliana ka sawm e.

PU LALCHAMLIANA, MINISTER: Pu Speaker, member zahawm tak Pu C. Ngunlianchungka zawhbelhna kha chhinchhiah vek ka tum a, a chhinchhiah theih theih, a sawi rang lutuk a. Tin, nidanga a tih angin voice record te, thlalak te a rawn dah tel mang si lova.

Pu Speaker, a zawhbelhna chhanna chu - FIR thehluh a ni a, amaherawhchu, ‘a duty’ tih a ni a, “prosecution hmangin Court-ah te chhan a tum em” tih hi ka hriat chinah chuan, chhan tumna emaw, chhan loh tumna emaw a la awm lo. Hei hi Home lamin kan khawih a ni chiah lova, report lo lut hi Law Department-ah exam turin a kal mek niin ka hria.

Pahnihnaah, ‘smuggled goods lakluh hi sorkar hian a phal em’ a ti a, phal lo e, tu sorkar mahin a phal lo. Tin, ‘kuhva smuggler-te hi hrem an tum em’ a ti a. A theih chin chinah chuan chawi tir emaw, eng emaw tia hrem a ni a, Mahse, Court-ah hian tumahin an la khing lovin ka hria, anmahni kuhva phurtute hian an khing letling zawk thin.

Tin, sorkar hian a haider hun a nei em a ti a.....

(interruption)...

PU LALRINDIKA RALTE: Dan bawhchhia an awm anih chuan sorkar khan a hrem dawn lo em ni? Sorkar dan kan bawhchhiat chuan sorkar hian hma a la dawn lo em ni?

PU LALCHAMLIANA, MINISTER: Hrem dawn e, hrem dawn tehreng e. Amaherawhchu, nula/tlangval pawh an rai hian, nula a lo rai hian a hektute hian ngai an ti deuh kher thin a, chutiang deuh chuan FIR thehlut te pawh a ngai ve a ni.

PU C. NGUNLIANCHUNGA: He House-ah hian hektu an awm a ngai. Pi Vanramchhuangi khan FIR a submit a, kha kha reject a ni lo em ni? Engnge a chhan?

A hektute hekna kha kan pawm zam leh ta mai nge, hektu chu an awm ngei kha maw le?

PU LALCHAMLIANA, MINISTER: FIR chungchang hi ‘cognizable’ a nih chuan register ngei ngei tur a ni. Amaherawhchu, Supreme Court order-ah chuan thil thenkhat register nghal loha inquiry tih ngai a awm a, chu chu commerce chungchangah te, chhungkaw buaina chungchang thuaah te, inrochun chungchang thuaah te inquiry tih phawt te a ngai a ni. Chuvang chuan, Pi Vanramchhuangi FIR kha ka hmu ve lova, cognizable a ni nge ni lo pawh ka hre lova. Tunah hian Police lam hian Judiciary lam hi a rawn mek niin ka hria.

Tin, “sorkar hian haider hun a nei em” a ti a. He House zahawm takah hian Group Leader zahawm tak Pu Zodintluanga Ralte-in February ni 25, 2021 khan kuhva chungchang hi a raised tawh a. Chutah chuan ‘central atangin lo dang rawh u’ an ti a, mahse, ‘Mizoten an hlawkpui ve a lawm maw le tiin kan mit kan siai a’ tih ka sawi a ni. Chu chu ‘haider’ tih nen hi chuan a intluk thuakin ka ring. Amaherawhchu, a serious zia kan hre tawh a, hei hi a thatloh zia te kan hre telh telh a, chuvang chuan, ‘i khap ang u’ kan ti a, tum hnih lai, Deputy Commissioner zawng zawngah hian khap turin hma kan la a ni. Tin, chumai bakah tunhnaiah Central YMA-te pawhin min rawn sawipui a, he thil hi, kan hmalak mekna te a lo ni a. Serchhip khaw pawn hret Keitum lamah khian Sailiamkawn a awm a, chutah chuan check gate thar kan siam a. Chu chu Keitum atangin an hel ang a, Lunglei lamah an lo kal kual palh thei a kan ti a, chuvang chuan Sihhmuiah khuan check gate pakhat kan siam leh bawk a. Kan Police duty pangngai bakah tunhnaiah hian check gate pahnih kan siam belh a nih chu.

Tin, “Police lal inrawlh an awm em, awm se engnge hmalakna” tih zawhna kha, sorkar hian kuhva tawlhruk chungchang thuaah Police lal an inrawlh tih hriatna a nei lo. Social media thenkhatah chuan a lo lang a nih pawhin, chiang taka report emaw, chiang taka sawi emaw a awm lo.

PU C. NGUNLIANCHUNGA: Nichina kan sawi tak ang khan, Ni 28 January, 2022-a Party pakhat press conference-ah khan chiang taka sawi a awm a. Chutihruah chuan, he kuhva tawlhruk case-ah hian High Court-ah case file a ni tih hi kan sorkar hian a hria em? He case hi file a ni a, kan sorkar hian DC, Champhai hi tanpuiin prosecution-te kha ‘kan la hre lo’ an ti a, “a mal chhuah mai dawn em ni, sorkar aiawh, sorkar mi a ni si a” tih hi ka zawhbelhna a ni.

PU ZODINTLUANGA RALTE: Pu Speaker, kan Minister zahawm tak khan thil sensitive deuh mai a sawi a. ‘Sihhmuiah check gate kan siam’ a ti a, hei hi chanchinbu-te leh Govt. te pawhin an ti a, khulai an check gate khu Sairang ram a ni a.

Hei hi Home Department lamin demarcation a hranpain an lo siam nge ni, khulai ram inchuhna lai tak khu a ni a. Khalai kha siamthat leh a tha lo maw?

PU LALCHAMLIANA, MINISTER: Pu Speaker, Aw le, ‘Sairang ram’ tiin kan lo siamtha dawn nia.

Member zahawm tak Pu Nguna zawhna kha, kuhva tawlh-ruk chungchangah hian kan Chief Secretary kalchhuak ta ho khan meeting vawi thum lai Assam Rifles te leh Custom te pawh telin kan nei a, tin, ka hovin vawi hnih kan nei bawk a. Tichuan, District tin DC leh SP te lo check-a, khatiang kuhva tawlhruk a awm anih chuan ‘man turin tunah hian thupek dinglai a awm a ni’ tih kha ka chhanna ni se la.

Tin, ‘High Court-ah case a awm em’ tih hi social media atang chuan ka hria a, Official-in ka la hre lo va. Social media nazawng hi kei chuan ka pawm duh lova. Chuvang chuan, sorkar ang chuan kan la hre lovah ka ngai. A tlangpuuin hetiang sorkar an khinna-ah hi chuan mi chuan Chief Secretary ho hian an khing thin, a official mal kha khing lovin. Chu chu ka hriat dan a ni a. Chu chu a ngaihtuah tu ten an la ngaihtuah zui turah ka ngai.

Member zahawm tak Pu Biakzaua zawhna, “District Magistrate te hian illegal goods an man te hi a hmunah anmahni thuin an tiral emaw, an tichhe thei em” tih chhanna chu - ka hriatthiam dan leh Dan hremite min hrilh dan chuan, District Magistrate te hian Police te, Excise te ang bawkin sorkar khap thil chu an man thei a. Amaherawhchu, anmahni thuin a hmuna tihchhiat theih nghalna an nei lova. Dan kalphung pangngaiin an man ang a, tichuan case an siam ang a, chu chu Court-in a ngaihtuah ang a, Court-in tihdan tur a hrilh angin an ti chauh tur a ni.

PU LALDUHOMA : Pu Speaker, Thenzawl-a Vety farm-ah sawn kelpa a chi thlahtu tur a awm lo tlat mai a. Civil mi kel vulhtute hian mimal kel a chi thlahtu tur kha an zawng thin a, a man te a lo to deuh a. Sawtiang farm puiah te chuanin hei hi awm ve ngei awm a ni a, hetah hian, “hma min lak sak thei ang em” tih ka zawt duh a.

A dawt leha chuan, vawk hri a lo len tirh khan minister zahawm tak hian consultative committee meeting a ko a, lawmawm ka ti khawp mai a. Chutah chuan “central lamah compensation/rehabilitation hi dil sak ila, a theihloh anih chuan Mizoram sorkar atang pawhin tih dan ngaihtuah ila” tih te kha kan sawi a. Kha committee kha a ko nawn leh duh ta miah lova, consultative committee member-te pawhin engnge kan thlen chin kan hre tawh lova.

Tunah khan zawhna arawn awm a, lo chhang turah ka ngai a. A hrim hrimin Pu Speaker, kan minister-te hian term tawp dawn tep thleng hian consultative committee vawikhatmah la ko lo an awm a. “Hetiang committee pawimawh tak mai he ti tak maia an ngaipawimawh lo mai hi chu a tha lo hle mai” tih hi ka han sawi tel duh hram a ni.

SPEAKER : *Zawhbelhna* zawt turin Pu Lalrinsanga Ralte i lo sawm ang.

PU LALRINSANGA RALTE: Pu Speaker, ka lawm e. A.H & Vety changtu Minister zahawm takin a chhan atan ka zawhbelhna chu hei hi a ni e – ASF hi tun dinhmunah control a ni tawh em, central-ah measure eng anga lak nge? Tin, pawn lam atangin vawk lakluh phal a ni tawh em?

SPEAKER : A theih ang anga chhang turin AH & Vety changtu Minister zahawm tak Dr. K. Beichhua ka sawm e.

DR. K. BEICHHUA, MINISTER: Pu Speaker, ka lawm e. Member zahawm tak Pu VL Zaithanzama zawhbelhna pakhatna kha - ASF avanga vawk thi/suat te hi central sorkar-ah keimah ngeiin September ni 17 khan ziakin ka zuk thlen a. Chumi hnu December-ah khan ka zuk bawhzui leh a, tha takin min la chhang zel a, ‘kan ngaihtuah sak dawn che nia’ tih chu chhanna a la ni zel a. Ni 7 January-ah Guwahati-ah Union Minister, a changtu ngei nen kan sawi dun a. A niin, ‘ziakin min lo remind leh la’ a tih angin, ni 7 January-ah Guwahati-ah Union Minister hnenah DO letter in dilna ka zia a. Chu chu ni 19 January-ah a chhanna pawh min rawn pe a, ‘kan lo en ang a, theihtawp kan lo chhuah ang’ tiin min la rawn chhang a ni. Chuvang chuan, ‘central lama kan zuk dil te pawh beisei takin kan la thlir a ni’ tih kha kan inchnanna ni ta se.

Vawk thi pakhat zelah zangnadawmna tih hi, zangnadawmna hi nichina kan rawn sawi tawh ang khan, kan suat (culled) te hi Ministry, Govt. of India norms angin category hrang hrangah then a ni a. A thi State atanga Disaster Management Response Authority hnena kan dilah chuan, department-in compensation rate tur a siam a, chutah chuan, ‘vawk thi pakhatah ₹3,000/- zel ni ta se’ tiin Disaster Management-ah kan thlen a ni. Chu lovah chuan, ‘SEDP zangnadawmna’ tih erawh hi chu, pilot project kha kalpui tawh a, 1st installment leh 2nd installment kan pe tawh a, 3rd installment hi tun atanga reiloteah kan la pek theih mai kan beisei a. Tunah rih hi chuan SEDP atanga pek tur leh tur loh hi sawi a la awm lo.

Member zahawmtak Pu Lalduhoma zawhna kha, kel chi thlahtu tur Thenzawl-ah sawn a lian chi, ‘Sirohi’ leh ‘Beetal’ kan nei a. Saw saw, atir lamah chuan a vulh peih deuh turte leh a tui mite tan lei tir ni ta se tiin, a note, a chi thlahtu tur kha kg 1 ah

cheng 600-in kan tiral ta a. Chumi hnuah chuan kan ngaihtuah a, ‘kan kel tihralte hi an thi nge an dam, an inthlah pung nge inthlah pung lo tih te pawh hi monitoring neih ni se a tha ang’ tiin, a zawrh hun tur pawh hi ‘awmze nei taka zawrh ni se’ kan ti a. Chutichuan, eng emaw chen chu district hrang hrangah kan zuar chhuak a.

Chumi piah lamah chuan, Thenzawl saw rin aiin thlasikah hian a vawt ang reng a, kel note saw thlasik ah an thi duh riau a. Chuvang chuan, a khaihlak lai anih ka ring a. Tunah hian kei ka lo ngaihdan chuan, a pa pawh kan neih ka ring a, a note zingah sawn, a lianah saw chuan a pa, chi thlahtu tur chu kan nei, hmanni ka va kal pawh khan. Mahse, zawrh tur ang chi-ah sawn tun hnaiah hian engnge an dinhmun chiah ka hre lo a, ‘ka lo enzui ang e’ tih kha ka chhanna ni se.

Pu Lalrinsanga Ralte, member zahawm tak zawhna, ‘ASF hi control a ni tawh em’, tih kha, tun dinhmunah chuan control a ni tawhin kan hria a, a thi December atang khan report kan dawng tawh lo. Tin, ‘control measures’ a ti niin ka hria a, nichina a rawn zawhah khan, a chhanna chu – ‘ASF a leng a ni’ tih kan hriat veleh a hmunah department hotute an kal nghal a. Chutiang chuan keimah ngei pawh 8 April-ah a hmunah ka va kal nghal chat a, kan Director te, kan Secretary te nen kan va phei a. ASF nia kan rinhlelh avangin Lungsen area kha ‘containment area’-ah kan puang nghal a. Vawk thi leh ASF vei vawk in zawng zawng kha disinfectant te nena disinfect vek nghal a ni. Chutiang chuan a darh chhoh zel takah chuan Home lam nen, Magistrate lam nen district tin hmalatu turte kan inruat a, State level-ah pawh hma latu tur ‘Rapid Response Team’ kan indin a. Chu lovah chuan, a suat lama a thawktu tur, ‘culling team’ te pawh Home Department lam nen chutiang chuan ruahmanna kan siam a. Theihtawp chhuahin pawn lam atanga lakluh kha kan khap chhunzawm zel a. Hrilen tawhna nia kan hriat chin kha ‘containment area’ ah kan puang nghal a, chutiang chuan hma kan lo chho zel a. Tun dinhmunah hi chuan kan fihlim rihin kan inhria a ni.

Pawn lam atanga vawk lakluh kha ni 31 January thleng khan phal loh a ni a. Tunah hi chuan a free thawkhata kan hriat avangin pawn lam, international (ramdang) atang ni lovin, India state, kan state pawn lam, state dang atang chuan ASF-free, fully-vaccinated nia kan chian leh, kha area kha natna dangah pawh an fihlim a ni tih certificate nei thlap chu ‘lakluh theih a ni tawh’ tih kha ka chhanna ni se. Pu Speaker, ka lawm e.

SPEAKER : Starred Question No. 46, zawt turin member zahawmtak Pu Lalrindika Ralte ka sawm e.

PU LALRINDIKA RALTE: Pu Speaker, ka lawm e. Agriculture Department changtu Minister zahawmtak chhana tan ka zawhna chu -

- a) Loneitu kum 14 atanga kum 40 inkar te tan Mizoram sorkarin Pension Scheme thar a ruahman tawhah hmalak chhunzawm zel a ni em?
- b) Mi engzat nge pension hi pek an nih tawh?

SPEAKER : A chhang turin Agriculture Minister zahawmtak Pu C. Lalrinsanga ka sawm e.

PU C. LALRINSANGA, MINISTER: Pu Speaker, member zahawmtak Pu Lalrindika Ralte zawhna Starred Question No. 46 chhanna chu -

- a) Hmalak chhunzawm zel a ni. Pradhan Mantri Kisan Maandhan Yojana (PM-KMY) Farmers' Pension Scheme sorkar laipuiin a ruahmanah hian loneitu kum 18 atanga kum 40 inkarte tan hamthatna hi a dawn theih a ni. PM-KMY hi ni 24 September, 2019 khan Mizoram-ah tlangzarh a ni a. He scheme hnuaiia loneitute register tur hian Common Service Centre (CSC) te sorkar laipui hian a ruat a, an ni hian loneitute hnenah in register turin hma an la reng a ni.
- b) M-KMY (Loneitu pension scheme) hnuaiiah hian pension pek an la awm lo. Kum 2019 tan chauh a ni. In register theite hi kum 18 atanga kum 40 inkar an ni tur a ni a, kum 60 an tlin hunah pension hi an la thei dawn a ni. Kum 40 mi in register hian pension an lak theih nan kum 20 nghah a ngai tihna a ni.

Tunah hian PM-KMY scheme-a in register tawh hi mi 283 an ni. District atanga in register dan chu: Aizawl-32, Champhai-7, Kolasib-4, Lawngtlai-197, Lunglei-15, Mamit-12, Saiha-1, Serchhip-15...

SPEAKER : Ngawi lawk rawh aw, *Question Hour* a zova, chhang zo sela kan ti em, House ka rawn e. Awle, chhang zo rawh le.

PU C. LALRINSANGA, MINISTER: Pu Speaker, ti khan ka chhang zo chiah chiah a ni. Zawhbelhna chhan te pawh a chakawm hle mai. Ka lawm e.

SPEAKER : Vawiin leh naktuk hian member-te tan kan Health Minister zahawm tak leh a department ten Health check-up an buatsaih a, kan specialist ho Main Building, Committee room-ah an rawn duty dawn a ni. Tun nihnih chhung hian kan doctor-te an thutna room pangngaiiah an thu lo ang a, member-te tan zing dar 10 atanga tlai dar 4 thleng in check-up theih a ni tih ka puang e.

Tunah chuan *Laying of Papers*-ah kan kal ang a, kan Chief Minister zahawm tak Pu Zoramthanga'n heng -

(1) Economic Survey of Mizoram, 2021-2022 leh, (2) 15th Annual Report of the Mizoram Information Commission te hi House dawhkanah rawn lay sela.

PU ZORAMTHANGA, CHIEF MINISTER: Pu Speaker, i remtihna leh House remtihna, heng - (1) Economic Survey of Mizoram 2021-2022 leh (2) 15th Annual Report of the Mizoram Information Commission te hi House dawhkanah ka rawn lay e.

SPEAKER : A copy kha rawn sem ula. Kan chang kim em? Pahnihna hi Health Minister zahawmtak Dr. R. Lalthangliana paper lay tur a ni a, amaherawhchu tunah hian Union Health Minister-in Mizoram a rawn tlawh lai a ni a, kan ram tana remchang lak hun tiin meeting an neih avangin a lo kal thei rih lova, kan Chief Minister zahawm tak a authorized a.

Tunah Pu Zoramthanga, Chief Minister zahawmtakin ‘The Mizoram Epidemic Diseases (Covid-19) Regulations, 2022’ hi House dawhkanah rawn lay se.

PU ZORAMTHANGA, CHIEF MINISTER: Pu Speaker, i remtihna leh House remtihna, ‘The Mizoram Epidemic Diseases (Covid-19) Regulations, 2022’ hi House dawhkanah ka rawn lay e.

SPEAKER : A copy kha rawn sem ula. Kan dawng kim em? Awle, pathumna, Pu Lalchamlia, Minister zahawm takin “Notification issued under the Mizoram Goods and Services Tax Act, 2017 w.e.f. 10.7.2021 - 17.1.2022” hi House dawhkanah rawn lay se.

PU LALCHAMLIA, MINISTER: Pu Speaker, i phalna leh he House zahawmtak remtihna Mizoram Goods and Services Tax Act, 2017 hnuia July 10, 2021 leh January 17, 2022 inkar chhunga notification hrang hrang tihchhuahte he House zahawmtak dawhkanah hian ka rawn lay e.

SPEAKER : A copy kha rawn sem ula. Kan changkim maw? Awle, tunah chuan *Financial Business*-ah kan kal ang a, ‘Discussion and Voting on Supplementary Demands for the year 2021-2022’ a ni a. Supplementary demand hi House ah sawiho a ni ngai lova, amaherawhchu member ten hriatthiamloh zual kan nei anih chuan chungte chu sawi zuai a rem turah ngai ila. Tunah Chief Minister zahawmtak Pu Zoramthanga, Finance Department changtuin ‘Supplementary Demands for the year 2021-2022’ hi House-ah rawn submit turin ka sawm e.

PU ZORAMTHANGA, CHIEF MINISTER: Pu Speaker, i remtihna leh kan House zahawmtak remtihna, “the Mizoram Appropriation Supplementary Demands for grants 2021-2022 Bill, 2022” chu he House-ah hian introduce ka rawn dil e. (**Speaker:**

Rawn submit zawk rawh). Pu Speaker, ‘I beg to leave of the House’ an ti si a, kan List of Business-ah hian. Awle, tikhan ka rawn submit e.

SPEAKER : Awle, Chief Minister zahawm takin a rawn submit ta a, ngaihthiam loh leh eng emaw a awm em? (**Chief Minister:** House in phalna min pe sela, ka rawn introduce ang a) Ngawi teh u, helai kaihhruainaah hian an ziaik diklo a nih hi. Khawngaihmin min lo hrethiam teh u. Awle, tunah kan Chief Minister zahawm takin rawn introduce rawh se.

PU ZORAMTHANGA, CHIEF MINISTER: Awle, Pu Speaker, i phalnain he House ah hian, “The Mizoram Appropriation (Supplementary Demands for Grants 2021-2022) Bill, 2022” hi he House-ah ka rawn introduced e.

SPEAKER : Kan Chief Minister zahawmtakin a rawn introduced ta a, hriatthiamloh zualpui te a awm em? (*Member-te an lo tawng sap sap a*) Aw ni e, helaia kaihhruaina an siam hi a dik tlat lo, Kan Chief Minister zahawmtakin rawn sawifiah se, tunah ka sawm e.

PU ZORAMTHANGA, CHIEF MINISTER: Pu Speaker, kan Supplementary Demand tak kha chu kan budget paper-ah khan telh a ni a, kan dawng vek tawh a, a hrana rawn sem leh a ngai lo turah ngai ila. Tichuan, he Supplementary Demand chungchang hi kei pawhin sawifiah tur ka nei nual a, tin, financial thil anih avangin member-te tan pawh hriatchianloh thil awm thei a ni a, heng hi a tlangpuiin ka han sawi ang a.

Demand pui pangngai Budget Estimate kha chu a awm a, 2022-2023 inkara Budget Estimate kha chu kan la sawiho tur a ni a, tuna mi erawh chu kum kal ta 2021-2022-ah khan tam tak kan lo hman, mahse kha kan hmanna kha Finance Department lamin emaw, sorkar-in emaw pawng hman ngawt theih a ni lova, he House phalna lo chuan cheng khat pawh hman thiango a ni a. Chuvangin, chumi chu min pass sak a ngai a, chu Supplementary Demand ‘kum kal ta’ ti ila a kum tak chu hei, a la liam lova, Pu Speaker, tun 2021-2022 ami hi kan rawn sawi tur hi chu a ni a. Hei hi Legislature-in a pass loh chuan sum engmah hman theih a ni lova. Amaherawhchu sum mamawh awm apiang State Legislature ina a pass tura chutianga Assembly Session koh zel hi thil remchang a ni lova. Hei vang hian mamawhna a lo hman anih theih nan Finance Department chuan allocation order a siam thin a, allocation order hmang hian financial rules in a phut ang zelin pawisa te hi lo hman chhuah thin a ni. Central sponsor scheme ho NLCPR te, NECIT te, NEC hnuaiyah fund eng emaw zat hmuh a ni bawh thin a. Budget ah hian sum hmuh beiseite dah sa a ni thin a, mahse chutianga dah lawk aia tam

hmuh te a awm thin a ni. Hetianga fund hi a awm dawn a nih hian allocation kan siam thin a ni.

Tin, kum tira budget buatsaih anih laia la awm mai lo, kum laklawha central sorkar atanga sum ruahman thar te pawh a awm chang a lo awm thin a. Hetiang bakah hian budget awm sa te pawh a awmna *head of account* siamrem ngai a awm ve fo bawk thin. Finance department leh Planning department hnuaiyah fund kan park khawm te pawh department a semdarh anih hian Supplementary Demand-ah te pawh hian lak vek a ngai thin a ni.

Tin, heng bakah hian kum kal meka sorkar-in sum a puk belh emaw, RBI-a state sorkar account-a sum khaihlahk avanga *ways and means advance* sorkar-in a lak te leh a interest adjustment siam ngai te pawh kumtawpah sorkarin supplementary hmangin siam rem a ngai bawk thin a. Hetianga siam rem te leh kum laklawha allocation siamte hi lakhawmin supplementary buatsaih a ni thin a. Heihi kumtawpah Financial year thar atana annual budget pharh anih rualin House pawmpui turin pharh tel thin a ni. Hei hi Supplementary Demand kalphung chu a ni.

Tin, Pu Speaker, sorkar kum kal mek, 2021-2022 ah pawh hian kumtira budget pharh laia tel lo, supplementary lak ngai crore 6025.44 a awm a, hei hi sum hlawm lian ber, sorkar sum harsat avanga RBI atanga *ways and means advance* kan lak rullhna a ni a. Kan sum dinhmunin a zirloh em avangin hei hi pumpelth duh hle mah ila, pumpelth theih a ni lova. RBI hian cash balance kan neihloh apiangin kan sum hman chhuah ngai si te chu sum min puk tirin, min hman tir thin a, chu chu ‘*ways and means advance*’ kan ti a ni. Kan State hian ‘*ways and means advance*’ hi 260 crore aia tam vawikhatah kan la thei lova, kan lak tam ber lai pawhin 256 crore kan pel thiango a ni. Kan pelh chuan ‘over draft’ alo ni nghal mai thin.

Tin, kumin kum kal mekah hian *ways and means advance* hi crore 3,762.88 lai kan puk a, a awmzia chu vawikhatah tlem te tein kan puk a, chumi chua hnu-ah kan rul a;, kan puk leh a, kan rul leh thin a ni. Chumi kan ‘*ways and means advance*’ chu kan lo puk ngun viau chuan a rullh pawh kan lo rul ngun viau tihna a ni a. A belhkhawm chuan tamtak angin a lo lang ta a, chu chu supplementary-ah tarlan alo ngai ta thin a ni. Amaherawhchu, *ways and means advance* rullhna hi charge expenditure a ni a, House-in a vote emaw, a pass emaw a ngai lo a ni.

Tuntum Supplementary Demand-ah hian House vote ngai lo, *charge expenditure* crore 3,863.97 a awm a, House-a pawmpui ngai chin *voted expenditure* erawh chu crore 2161.47, heng ‘Supplementary Demand for Grants 2021-2022’-a lo langte hi source hrang hrang atanga hmuh belh leh head of account siam atanga supplementary lak ngai

a ni tlangpui a, House pawmpui ngai, ‘voted supplementary expenditure’ te chu hlawm lian deuh deuhin hetiang hian han then ila, CSS te, NEA te, NLCPR te, NICIT hetah hian crore 599.45 a awm a, NABARD hnuaia hnathawhna turah hian crore 373.11 a awm bawk a. *Externally aided project*-ah hian crore 12.19 a awm a, ‘Special Central Assistance for Capital Expenditure’-ah hian crore 201.65 a awm a, *State normal fund* ah hian crore 551.53 a awm bawk a.

Tin, pension payment - crore 230, power purchase - 100 crore, covid-19 related - crore 55.86 a awm a. Tin, a dang ah hian crore 165.67 a awm bawk a ni. Tin, Budget-a sum awmsa siamremah hian crore 423.54 a awm a, chungte chu - SEDP normal - crore 89.24, Counterpart funding SMS - crore 237.52, Medical treatment - crore 8.87, Rural Local Body Grant - crore 88, a vaiin crore 2161.47 a ni.

Heta tanga lo lang ta chu kan sorkar kum kal mek, 2021-2022 chhung hian covid-19 hrilengin min la tibuai hle a, Assembly bye-election tum 2 neih te, State thenawm nen ramri buai kan neih avangin sum engemaw zat neih a lo ngai ve a, hei hian kan sum mamawh belh pawh a tipung ve hle a ni. Chutih rual chuan kan Supplementary Demand zinga crore 1,186.40 zet chu hmasawna hnathawh tur chi a ni ber a, 54% zet a tling a ni. State budget buatsaih laia sum hmuh tur hriatlawk chiahloh, budget-a khung nghal rem chiah lo tam tham tak hmuh belh a ni hi a lawmawm hle a ni. Chuvangin, kum kal mek atana Supplementary Demand for Grant House zahawm taka pawmpui tura ka rawn ngen chu crore 2161.47 a ni a. Hei hi, Pu Speaker, vawiina Supplementary Demand atana ka rawn thehluh, he House-ina min pawmpui tura tan ka rawn theihluh chu a ni e. Ka lawm e.

SPEAKER : Awle, nichin khan ka ti tawh a, sawiho ngai vak a ni lova, amaherawhchu hriat chianloh zual a awm anih chuan House ina kan pass tur anih avangin member-te zalenna kan pe ang e.

PU LALDUHOMA : (Audio failure) crore 2025, kan budget atanga chhutin 53.185% a ni a, a zia lo lutuk a ni. Chuvang chuan, India Constitution 203 in en chuan, Charged Expenditure pawh hi discuss theih a ni. Tuna Supplementary Demand-ah hian Charged Expenditure hi a tam zawk daih a, Governor leh Legislative Assembly tih vel hi chu crore 2.41 chauh a ni a, a dang zawng zawng hi leibat vek a ni. ‘Leiba rulhna’ tih te a ni a, a rapthlak hle a ni. Chuvang chuan, Pu Speaker, mi ram pawhin an tih dan a ni a. Hetah List of Business hi han en ila, “Discussion and Voting on Supplementary Demands” a inti kuau a ni. Discuss tura rawn chhawpchuah a ni. Chuvangin, Supplementary Demands hi Constitution Article 203 in a siam ang hian pass tur a ni. Kan *accent* theih a, kan *refuse* thei bawk a. Vawiinah hian a duh lo pawl kan lo tam zawk phei chuan a tla leh thei tur a ni. Chutiang anih avang chuan, Pu Speaker, *full*

discussion ka demand a ni. Mi ram angin i kal ve tawh ang u. Hetiang zat zat, kan budget chanve aia tam vawikhat pawh discuss miah lova kan hriatloh hlana in lo ti hi budget forecasts a tibuai vek, a transparent lo zawk vek a. Hei hian Budget Act leh financial policies, strategies statement te a kal san a, a in per san nasa lutuk a ni. Hetiang khawp a financial management a chhiat chuan kan ram economy a.... (*interruption*) Pu Speaker, Hei hi full discussion ka ngen a ni. Min phal sak hram rawh, min phal sak loh chuan Appropriation Bill kan pass pui thei lo ang che u.

SPEAKER : Ngawi rawh aw. Aw le, kan sawi tawh ang khan he House hi kum 50 a lo kal ve ta a, kum 50 chhung hian hetiang hi sawi a la awm lo reng reng a. Tin, tunah hian a chhungthu leh member zahawm tak Pu Duha han sawite kha chu thu dang ni se. Kan lo kalphung danah te leh tunah hian kan Finance Minister zahawm tak, kan CM hian kum danga tih ngailoh zawkin, March thla tawpa hnawhchilh tak maia ti bur bur lovin tunah hian kan passa, he pawisa hi hmana, officer leh thawktute tan pawh a awlsam zawk nan tiin ngaihtuahna a nei a. Chu chu tun angah hian Session pawh hi kan la nei ngai lo reng reng a ni, Mizoram-ah hian. Chutiang khawp chuan finance-ah hian ngaihtuahna a hmang a. Tunah hi chuan kan Chief Minister zahawm tak Finance changtuin a rawn move tawh a. Supplementary Demands for 2021 – 2022 (Voted) Amount - ₹ 2,16,146.88 (vaibelchhe 2161, nuai 46, sing 8 leh sang 8) chu House pawmpui turin rawn dil se, tunah ka sawm e.

PU ZORAMTHANGA, CHIEF MINISTER: Pu Speaker, ka dil hma khan tlem han sawifiahna kan nei zawk ang a.

Kan Opposition Group Leader zahawm tak Pu Duha'n a sawi kha thil tha lo pawh a ni chuang lo ang a, kan discuss duh phawt chuan a tih theih a. Amaherawhchu, kan House practice kum 50 lo kal tawhah, vawiin a rawtna pakhat awm avanga tih danglam thut a kha a ni lova. Kha kha chu, entirnan: Constitution (*interruption*) Pu Speaker, kan hlau pawh a ni lova, kum 50 chhung sawiho lova hetia a zawh duh zawta kan lo kal tawhna kha, pakhatin a rawn rawt a, 'Anih aw' tih duak ngawt kha a nilo reng reng a. Chuvangin, tunah chuan kha kha kan duh anih chuan committee pawhin..... (*interruption*) Pu Speaker, rawtna ka neih duh chu, party aiawh ten, 'kan practice kha i thlak danglam ang u' kan ti anih chuan, he House-ah ni lovin kan committee ang a, Supplementary Demands hi, 'hawh u, sawikhawm na ti tawh ila, keimahni business -ah pawh telh tawh ang u' tih te rel hmasak ve a tha a. Hetia a tlachawpa tih nghal ngawt kha ani lova. Chuvangin, party leader aiawh, party group aiawh ten, House-in tunhma zawng zawnga kan kalphung a kha, "ngawi teh u, i thlak teh ang u, hei chu sawihona i nei ang" tih te kha kan duh anih chuan a committee kan awm a, khangte kha thlir tlang ila, tichuan nakinah kan business programme-ah khan chutiang tur chuan a duan pawh an rawn duang ang chu maw le. Chumi an duan hnuah chuan a sawiho hrim hrima pawh

kha a ngaihnawm ang a, that pawh a tha ang a, kan hnial pawh a ni lova. Chumi in a remti anih chuan nakinah khang te kha a programme-ah pawh rawn chhawp se la, tichuan kan ti ang chu maw le. Chuti lova, heta rawt chawpa kha chen tih dan vawilehkhata thlak thuta kha chu a tha chiah lovang a. Kan duh leh kan aiawhte kalkhawm se la, ‘hetiang hian anih hawh u, tih dan i thlak tawh ang u’ tih te rel ila. A dawt leh lamah chuan a kal pawh, kha kha kan thurel anih chuan atih pawh kan ti ang chu maw le. Tunah chuan kha chen kan lo kal tawh dan pangngaiin kan kal a.

Hetah Supplementary Demands sawitu in a tul angin a sawifiah a, zawh duh neiin an zawt a, tichuan, kan pass mai thin a, awlsam tak, tih dan pangngaiin. Ni e, tunhma atanga kum 50 chhunglei kan lokal tawhna kha anih avangin nang pawh in khatiang khan han kaihhruai i tum a, chu chu tuna kan hmuh mai chu a ni a. Aw le, Pu Speaker, engpawh ni se, khang kha chu tha kan tih tlan phawt chuan kan la relkhawm ang chu maw le. Chuti lo chu Supplementary Demands hi mipui pawhin an hrechiang thin lova, kha kha kan discussion a tha kan tih tlan chuan a tha ka ti tho a.

Thil han sawichian leh duh ka neih chu – Pakhatnaah chuan, ‘Heti khawpa pawisa tam’ han tih te kha, kan Supplementary Demands hi hlawm chi hrang hrang a awm a, Budget Estimate-ah khan kumina kan hman tur chu hetiang hi anih hi kan ring e. Hemi ang hian kan estimate hi kan hisap lawk hi House-in hman phalna min pe rawh u, kan ti a. Tichuan, budget estimate (budget hisap lawk) kha House-in hman phalna min han pe a, a han vote ta a. Amaherawhchu, kum lo kal turah khatiang chiah chiah khan a hman theih hauh lo mai a ni. ‘Heta mi hi an ngah lutuk, a department hian an hmang seng lo, hei, tlakchhamna thildang a lo awm a, chuvangin hei hi i re-appropriate ang, i siksawi kual ang, hei hi hetah hian hmang mai rawh se’ tih te a lo awm ta a. Tin, chung chu re-appropriation pangngai, amah leh kan pass chhunga insiksawi remna hlawm khat a ni a.

Tin, a dawt lehah chuan, kan sawi ang khan ‘Ways & Means advance’ kha cash, kan pawisa neih sa khan a daih ta lova, Reserve bank of India-a kan neih sain a daih ta lova, hman kan mamawh si a, chutiang chuan *Ways & Means advance* puk theih a ni e. Mizoram chuan ‘vawikhatah crore 256 pel lovin in puk thei’ min ti a. State te in kan puk tlem a, State lian in an puk tam thei deuh a. Tichuan kan zuk puk ta a, 256 kan pelh awihloh anih chung a lohtheih lova kan la hmang anih chuan kan overdraft ta a. Overdraft chu thlen loh hram hram kan tum vek a.

Tichuan kan puk a, a dawta kan pawisa neihin kan rul leh nghal a. Amaherawhchu puk belh leh a lo ngai a, kan puk a, kan rul leh a, khatiang kha sorkar finance kalphung pangai a ni hrim hrim a. Amaherawhchu kan puk a, kan rulh leh a kha hetah hian thildang eng vak awm rih lo mahsela, House-in pawisa kan puk a, a rulhna

kan hmang a nih tlat avangin, House phalna hi lak leh a ngai ta a ni. Chuvangin, *ways and means advance* a kan va puk zawk, a chang chuan ni khat, a changin ni li/ni nga, a tuk lama kan rulh leh pawh kha formalize nan House-in Supplementary Demand-a a pass vek a ngai a ni. Chuvangin, hetah pawh hian *ways and means advance* a, kan pukna chumi kan rulh lehna erawh chu a number a titam a, chu chu House-ah hian kan rawn present ta vek ni. Chu chu hlawm khat a ni leh a, a tam duh em em a, va lak rulh leh, va lak rulh leh, kha kha chu State tinin kan tih dan pangai a ni.

A dawt leh ah, a hlawm lian pui ber chu budget kan pass lai a..... (*interruption*)

SPEAKER : Ngawi rawh aw, ngawi rawh u, Pu Duh, a rawn sawi tawh a, a awm e. Amaherawhchu....

PU ZORAMTHANGA, CHIEF MINISTER: Pu Speaker a tha lo kan ti lo; amawherawhchu ngaithuahna forum a awm a ni. Heta tihtauh chuk chuka tih nghal ngawt kha a ni lova.....

(*interruption*)

PU LALDUHOMA : Kan remtihna lovin vaibelchhe 6000 chuang in lo hmang a, chu chu ‘sawi ho ang u’ kan ti a, India Constitution-in sawiho tur a ti, expenditure pawh sawiho theih a ti. (*Audio problem*) Chuvangin, hei hi chu thil tha duhna vangin kan rawn rawt a, mahse in phal loa, in ngam thlawt lo anih chuan House rawn dil mai sela..... (*Audio problem*)

SPEAKER : Khai le, lo ngawi rawh u le. Ngawi rawh, ka sawi duh chu (*interruption*)... Ka sawi ve duh chu, Parliament-ah pawh, State-ah pawh ‘convention leh practice hi dan anga nghet tho a ni’ tih hi ka sawi duh a ni. Convention leh Practice hi Dan anga nghet a ni. ‘Kum 50 kal tawh hi, a nghet a ni’ tih ka sawi duh a ni. Hei hi kan Dan a ni.

PU ZORAMTHANGA, CHIEF MINISTER: Pu Speaker, Supplementary Demand hi a rawn present tuin a sawifiah hi tihdan pangai a ni hrim hrim a ni. Chuvangin tunah pawh memberte kan chianloh palh takin tiin, hlawm thuma kha ‘Supplementary Demand hlawm thum’ ti ila - *Pakhatna* chu, keimahni pawisa dah kan siksawi remna a ni. *Pahnihna* chu Ways and Means Advance kan puk kan rulh lehna kha regularize a ngai a, a amount kha a tam a. Tin, a *Pathumna* chu, project chi tinreng kawng laihna tur, in sakna tur Central-ah kan dil a, a crore za telin, a then phei chu sang biin min rawn pe a, chu chu pass thar leh a ngai a, kan lak tam poh leh supplementary demand a pun

chuan, hetah hian central atanga CSS-a kan project zuk hnuhchhuah kha a tam tihna a ni a, a lawmawm a ni, kha kha. Chuvangin, kha kha min pass sak a ngai a ...

(interruption)

PU ROBERT ROMAWIA ROYTE, MINISTER: Pu Speaker, Supplementary Demand hi mipuiin an hresual ang tih ka hlau a, an sawi kha an tikim lo deuh thin a. Supplementary Demand, State fund pawh ni se Finance Department atangin Health Department-ah a kal anih chuan sum a hek phah chuang lova, a sum ngai reng a ni, Finance Department atanga Health Department-ah khan supplementary demand-a sum a kal anih chuan kan pass sa tho sum, a sum ngai reng kha a la ni. Chuvang chuan, mi hriatthiamloh zawng emaw, a hrethiam lote tana a bum zawnga thil a kal anih chuan a dik lo. Kan budget chhunga sum, department hranah, finance atanga department danga sum a kal anih chuan thu dang a ni.

PU ZODINTLUANGA RALTE: State fund hi helai appropriation bill-a kan pass loh chu a hman theih ngawt loh a ni. Engvangin nge Supplementary-ah an hman teuh, thudik hre chiang lo hi chuan *(interruption)*

PU ZORAMTHANGA, CHIEF MINISTER: Pu Speaker, chu, member zahawm tak ten an sawi pawh kha, an chianglo em em mai a ni.

SPEAKER : Pu Leader, ngawi lawk rawh, kan ngen teh ang che. Budget hi kan chiang lo em mai, Finance hian min zirtir leh se, MLA zawng zawng hi kan chiang lo lutuk. Supplementary Demand hrelo hian kan kal thui lutuk, thudik tak a ni hei hi.

PU ZORAMTHANGA, CHIEF MINISTER: Pu Speaker, sawifiah a ngaih zia chu, Supplementary Demand-ah a tam em mai, ‘kan hriat lohin in lo hmang tam’ tih ringawt, a ni reng dawna sin, khutah kawng laihna crore tel kan hnuh chhuah chuan, khangte chu, kan hnuh chhuah tam poh leh i lawm ang u.

PU ZODINTLUANGA RALTE: Pu Speaker, khang kha chu kan hre vek, central atangarawn kal, budget-arawn thleng hman lo, a pung pek chu kum tin kan tih dan a ni. Vawiin nia kan sawi chu, State-in kan budget a mi nikum budget-ah pawh kan minister ten pakhat mah pawisa an nei lo, Dictatorship angin, *financial dictatorship*-in kan kal a ni tunah chuan. Minister-te hi nikum Demand-a kan pass kha.....

(interruption)

SPEAKER : Khai le, a tawk tawh e. Khai le, ti khan House Leader sawi kha lo ngaithla tawh rawh u le. Ngawi rawh aw, Pu Duh, khawngaih takin, ngawi rawh, Pu Du,h khawngaih takin, lo thu teh.

Vawiin hian *General Discussion* kan nei dawn a, in la sawi thei a ni, chuang chuan convention leh practice-in kum 50 kan kal tawh a, amaherawhchu House zahin, ‘hriatthiamloh zual a awm em’ kan ti a, ‘helai te hi’ tih awm chuang lovin mipui khel awm takin, diktakin a pumpui rawn tih hi chu la tih ngailoh a ni.

Tin, sorkar kal tawh zawng zawngah chuan Supplementary Demand pass a tam poh leh sorkar chak leh sorkar tha a ngaih a ni thin a ni, chu chu kan practice dan a ni. Awle, tunah kan Finance Minister zahawm tak pass dil turin ka sawm e.

PU ZORAMTHANGA, CHIEF MINISTER: Pu Speaker, he Supplementary Demand 2021-2022 hi House zahawm tak hian min pass sak turin ka rawn dil e.

SPEAKER : Awle, Chief Minister zahawm tak Finance changtu in ‘Supplementary Demand for the year 2021-2022’, *Voted* amount vaibelchhe ₹2,16,146.88 /- chu House pawmpui turin a rawn dil a, rem ti apiangin, ‘Remti’ ti rawh u le. (*Memberte: Remti*) ‘Remti lo’ kan awm em? Kan awm chuan, ‘Remti lo’ ti ula. (*Memberte remti lo aw a tlem deuh a ..*)

Awle, tunah chuan Supplementary Demand for the year 2021-2022 chu House in a pass ta a ni. Tunah chuan tuna kan pass tak Supplementary Demand for the year 2021-2022 a kan hman theihna tur bill kan ngaituah dawn a ni. Chief Minister zahawmtak Pu Zoramthanga, ‘The Mizoram Appropriation (Supplementary Demand for Grants 2021 -2022) Bill, 2022’ House-ah introduce phalna rawn dil turin i sawm ang.

SPEAKER : Pu Speaker, I remtihna leh House remtihna, he House-ah hian kan Supplementary Demand te leh a hman phalna ‘The Mizoram Appropriation (Supplementary Demand for Grants 2021-2022) Bill, 2022’ hi hetah hian ka rawn introduce e.

SPEAKER : Awle, kan remti em? (*Memberte: Remti*) Tichuan a copy kha han sem ula....

PU ZORAMTHANGA, CHIEF MINISTER: Kan business-ah hian kan kal khalh deuh lai a awm a ni. Chuvangin hei hi chu a tawpa tih tur a ni a, budget tawp a mi tur a ni a. Supplementary Demand kha chu kan zo a, kan pass tawh a ni. Hei hi chu tuna introduce tur a tih leh, hemi hi chu a tawp a mi tur a ni e.

SPEAKER : ‘A chahbi’ kan tih kha kan pass a ngai a ni. A copy hi kanrawn sem tawh em? Sem tawhin an sawi a hei kan officer ten. Helai a sem tur a ni a, tihdan thinah chuan. Tin, *Charge* nen khan tihkawp a ngai a.

Kan lo tifuh lo deuh em maw ni le. Tihsual palh a awm anih chuan Assembly lam anih ka ring a, kan official te annih ka ring a, ngaihdam kan dil a ni, lo tihsual palh a awm anih chuan. Commissioner khan a han enchiang a. (**Pu Lalduhoma:** Kan House Leader khan a copy a neih tho chuan, nakinah keini ho kha chu min lo sem mai sela, kan hrethiam mai ang e. Kan pass pui dawn chuang lo che u a.)

Awle, kan Chief Minister zahawm tak kan sawm leh ang a, “The Mizoram Appropriation (Supplementary Demands for Grants 2021-2022) Bill, 2022” House-a arawn introduce tak churawn move-a, ngaihtuah ho tur leh pass dil nghal mai turin ka sawm e.

PU ZORAMTHANGA, CHIEF MINISTER: Pu Speaker, Governor of Mizoram in a recommendation leh, i phalnain, he House-ah hian Additional Grant Demand No.1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 18,19,20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, a vaiin ₹2,16,146.88 lakhs hi 2021-2022-a kan expense te rulh theihna turin he House-ah karawn introduce a. Details of the Supplementary Demand for Grant kha chu kan la dawng lo anih pawhin nakinah kan inpe ang a, hei hi min pass sak turin karawn dil e.

SPEAKER : Awle. Nichina ka sawi ang baw kha a ni a. He Bill hi sawiho a ni ngailo tlangpui thin a. Tunah kan buk ang a, “The Mizoram Appropriation (Supplementary Demands for Grants 2021-2022) Bill, 2022” hi pass remti apiangin, ‘Remti’ ti ula. (**Member-te: Remti..**) Remtilo kan awm chuan, ‘Remti lo’ ti ula. (*Member-te remti lo aw a tlem zawk a...*).

Awle, “The Mizoram Appropriation (Supplementary Demands for Grants 2021-2022) Bill, 2022”, *voted amount* ₹2,16,146.88 lakhs leh *charged* atan ₹386156.00 lakhs, a belhkhawm in ₹602544.48 lakhs hman theihna tur Bill “The Mizoram Appropriation (Supplementary Demands for Grants 2021-2022) Bill, 2022” chu House in a pass ta a ni. (**Pu Zoramthanga, Chief Minister:** Pu Speaker, ka lawm e.)

Legislative Business dang ah kan kal ang a. Vawiinah hian sawrkar bill sawiho tur kan nei a, Bill copy te hi kan rawn sem lawk vek tawh a nih kha Bulletin part two ah.

“The Mizoram Road Fund (Amendment) Bill, 2022” (A bill further to amend the Mizoram Road Fund Act, 2007) hi a bill neitu kan Chief Minister zahawm tak Pu Zoramthanga, PWD changtu ni bawh in House-a introduce phalna rawn dil bawh se, I lo sawm ang u.

PU ZORAMTHANGA, CHIEF MINISTER: Pu Speaker, I remtihna leh House remtihna in “The Mizoram Road Fund (Amendment) Bill, 2022” hi House-a introduce ka rawn dil e.

SPEAKER : Awle, a bill neitu Chief Minister zahawm takin House-ah introduce a rawn dil a, kan phal sak em? Kan phal sak chuan tunah introduce sela, sawiho turin rawn move nghal se, kan sawm e.

PU ZORAMTHANGA, CHIEF MINISTER: Pu Speaker, i remtihna leh House remtihna in “The Mizoram Road Fund (Amendment) Bill, 2022” chu he House-ah hian ka rawn introduce a, a copy pawh hi sem vek tawh kha a ni a. A bill thar leh thildang pawh ni lovin correction siam tur neuh neuh, a committee member te, board member te, an hming siamthat leh han thlak danglam ngai te leh thil thenkhatte a ni a. Hei hi House-ah ka sawifiah deuh nghal dawn em? (**Speaker:** Sawi rawh. Move rawh le.)

Kan hmuh angin amendment ngai thenkhatte, *Pakhatna* - Clause (h) dawtah khan clause thar “*Manager, Finance* means an officer appointed for the purpose of Section 7 of this Act” tih hi thun tel zawk tur a ni.

Pahnihna - Clause (r)-ah substitute-na turin “*road* means all roads in Mizoram other than National Highway declared under National Highway Act, 1956 (Central Act No. 48 of 1956) which are maintained by the Road Agency, and including bridges and other things that facilitate such passage” tih khan thlak zawk tur a ni a.

Pathumna - Clause (s)-ah substitute thlakna turah chuan, “*Road Agency* means PWD which is a body responsible for carrying out repair, maintenance, rehabilitation, strengthening and construction of roads and bridges” a rawn ti a.

Palina - Section 4, Principal Act-ah khan sub-section (2) “a body corporate” tih kha, “shall be substituted by the words and symbol ‘*an autonomous body having separate powers, objectives and functions of its own*’ tihin thlak tur a ni a.

Tin, sub-section (4) thlaktu turah chuan, “The Board shall consist of the following members, namely...” a ti a, Board Member kha ka chhiar vek lo mai ang a, khang khan ‘thlak tur a ni’ tih a ni leh a.

Tin, sub-section (11)-ah ‘hetiang hian thlak tur a ni’ a ti leh a. “The Board shall have a Secretariat, headed by Chief Executive Officer, not below the rank of Chief Engineer on deputation from Road Agency, with responsibility to carry out administrative and technical tasks for the Board and the Executive Committee from time to time: Provided that an officer of Road Agency not below the rank of Selection Grade will be eligible to be appointed on deputation as Chief Executive Officer.”

Tin, amendment section 5-ah khan clause (b) of sub-section 2 of section 5 of the principle Act-ah khan, ‘after sub-clause 7, a new sub-clause 8 & 9 & 10 shall be inserted as follows, namely....’ a ti a. Chutah chuan, sub-clause 7, 8, 9 leh 10 te hi dah tur a ni a, chutah chuan, ‘seeking convergence of road maintenance with other scheme agencies’ tih kha 8-na a ni a. 9-na chu, ‘impart capacity building and house facilities and training of the road agencies’ tih a ni ang a, 10-na chu ‘recommend and review road safety issues’ tiha thlak tur a ni.

A tawp berah chuan, section 7, sub-section 1 of section 7 of the principle Act-ah khan ‘Vice Chairman and the member Secretary’ tih kha ‘Chief Executive Officer and Manager Finance of the Board Secretariat’ tiha thlak tur a ni. Kha kha heta a technicality leh eng emaw han thlak fel ngai leh a ni a.

Chuvangin, hei hi han sawi khawm vak tur pawhin a technical ang reng a, thil danglam teh chiam pawh a awm chuang lova. Chuvangin, hei hi kan House-ah hian ka rawn introduce a. Pu Speaker, a tul ang zela zawh chian duh emaw te kan neih chuan a inzawh chian theih bawk a. A tul lem lo kan tih pheih chuan, pass te pawh a duhawm khawp ang. Ka lawm e.

SPEAKER : Awle, kan Chief Minister-in Bill chungchang te a rawn sawi a, a rawn move ta a. Kan sawi ho ang a, minute engzat nge kan inpek ang? Awle, minute 5 in pe ila, sawi a tha a lawm le. Tichuan (**Dr. K. Beichhua, Minister:** Pu Speaker, sawiho lem lovin a chiang thawkhat bawk a kan) Kha kha chu House thu thu a ni, House in tha in tih chuan. Minute engzat nge kan in pek ang? Engnge

sawihoh loh a tha mai em? A move kha kan ti mai em? Kan ti maw! A lawmawm e. In lamah in lo chhiar a ni ang e. A lawmawm e.

Awle, tunah kan Chief Minister-in House-ah pass rawn dil se.

PU ZORAMTHANGA, CHIEF MINISTER: Pu Speaker, ka lawm e. He House zahawm tak hian, “The Mizoram Road Fund (Amendment) Bill, 2022” hi min pass sak turin ka rawn dil e.

SPEAKER : Awle, kan Chief Minister zahawm takin, “The Mizoram Road Fund (Amendment) Bill, 2022” (A Bill further to amend the Mizoram Road Fund Act, 2007) chu House pass pui turin a rawn dil ta a, tunah kan buk ang a. Rem ti apiangin, ‘rem ti’ ti ula (*Member-te: Rem ti*) Rem tilo kan awm em? Kan awm chuan ‘rem tilo’ ti ula. (*Remti lo an awm lova*)

Awle, “The Mizoram Road Fund (Amendment) Bill, 2022” (A Bill further to amend the Mizoram Road Fund Act, 2007) chu he House hian lungrual takin a pass ta a ni. (**Pu Zoramthanga, Chief Minister:** Pu Speaker, ka lawm e.)

Tunah Financial Business dangah kan kal leh tawh ang a, Chief Minister zahawm tak leh Finance Department changtu ni bawh Pu Zoramthanga’n, February Ni 24, 2022 (Ningani)a budget a pharh tak, ‘The Annual Budget for the year 2022-2023’ kha sawihona (general discussion) kan nei dawn a. General discussion hi ni 2 a tlangpuiin kan nei thin a, tunah pawh kan neih leh a ngai a. Naktukah *General Discussion* hi zawh tur a ni ang.

Awle, member-te minute engzat nge kan inpek ang le? Awle, minute 10 kan inpe ang a. Sawi ang khan Group Leader-te kha kan pe tam deuh thin a nih kha. Tunge sawi hmasa ang? Awle, Member zahawm tak Pu C. Lalmuanpuia ka sawm e. Chumi zawhah Pu Biakzaua.

PU C. LALMUANPUIA : Pu Speaker, ka lawm e. Vawiinah hian Budget duhawm tak mai sawi ho thei tura hun tha min petu Pathian hnenah lawmthu ka sawi a. Hun harsa leh khirh tak kan hmachhawn mek karah kan Finance Minister zahawm tak, kan House Leader zahawm takin Budget mumal tak leh rintlak tak mai tur, kan ram tana tha tak tur a rawn chhawpehhuak thei hi a hmasain lawmthu ka sawi duh a.

Kan hriat theuh angin hun khirh leh hun harsa kan hmachhawn a, Covid-19 hri karah kan duh ang pawn kan kal hlei thei lova. Tin, kan Finance Minister zahawm takin Budget Speech a sawia lo lang Chiang em em chu, sum hmuh tur zat kan hmuh kim tak

loh chu vaibelchhe 2632.58 lai mai a ni kha Pu Speaker, khatiang chung chung a kan sorkar mumal taka a lo kal thei te kha a lawmawm ka ti a. Kan Finance Minister zahawm tak hian sum enkawl chungchangah min thlamuan zia te leh a thiam zia te a lang chiangin ka hria. Chutih rual chuan kan Department lama kan hotute pawh an fakawm hle mai. Vawikhatmah Treasury khar thawm a awm lova vawiin ni thlenga kan han kal tawk tawk te hi ka ngaihtuah a, a lawmawm ka ti tak zet zet a ni.

Pu Speaker, 14th Finance Commission kan hman zo chiah a, 15th Finance Commission-ah kan lut chho a, chutah chuan hun khirh kan han tawk bawk si a. Sorkar hnathawk hlawh ringawt pawh thla tin vaibelchhe 350 bawr vel a ni a, chutah chuan central atanga capital receipt-a kan hmuh tur ‘share of tax’ kan tih atanga lo kal tur pawh kum dangah chuan thla tin hian vaibelchhe 200 chuang a lo kal thin a ni a. Chutiang chuan tunhnai 15th Finance Commission kan han luhchhohah chuan vaibelchhe 100, tlem te kha a rawn kal ta thin a ni a, ‘engtin nge hlawhte kan peka, engtin nge kan kal’ tih ngaihtuahna hi a thui viau mai a.

Kan Budget ka hmuh hian a lungawi thlak hlein ka hria a. Kum 2022-2023 GSDP, tuna RE kan hman mek vaibelchhe 33,793.15 atanga tehin 16.76% lai maia a han sang-chho te hi a lawmawm tak zetin ka hria a ni. Chutiang chuan Pu Speaker, Revenue receipt atang hian vaibelchhe 11,426 hmuh tur kan han nei te hi a lawmawm hlein ka hria a, state pawhin hma kan sawn hle dawnin a lang a. Tun BE kan hman turah hian 2021-2022 a kan dah vaibelchhe 719.56 atanga tehin 11.36% laia a han pung thei tur te pawh hi, he *state-own tax* and *non-tax revenue* atanga kan hmuh tur pawh hi a lawmawm hlein ka hria a ni.

Tin, ka sawi leh duh chu, central atanga kan sum hmuh *share of taxes* kha a pung nasa khawp mai a. Kumin kan BE 2021-2022 ai hian 22.70%-a a tam zawk tur te pawh hi a lawmawm hlein ka hria a, chhinchhiah tlak tak niin ka hre bawk a ni.

Tin, Centrally Sponsored Scheme ... (*Deputy Speaker-in Chair a la a..*) Pu Dy. Speaker, CSS atanga cheng vaibelchhe 20,00,646.64 lai mai kan han hmu turte pawh hi a lawmawm hlein ka hria a. Chumai a la ni lova, revenue *deficit grant* kan hmuh belh tur cheng vaibelchhe 1,615 lai a rawn ruahman te pawh hi a lawmawmin, kan budget hi a rintlak em em a ni.

Chu mai a la ni lova. Hei, *local-body grant* te pawh ruahmanna thar kan han hmu a, vaibelchhe 106 dah an han ni a. Rural Local Body Grant leh Urban Local Body Grant-a hmuh tur cheng tam tak mai a lo lang hi a lawmawm khawpin ka hria a. Tin, State Disaster Risk Management Fund (SDRMF)-ah hian cheng tam tak vaibelchhe 47 lai mai kan han nei a, chuta tanga tun kum kal mekah cheng vaibelchhe 49-a a rawn pung

ta hi a lawmawm hlein ka hria a. Hei hi a pawimawh khawp mai a, *chhiatrupna* laka kan invenna te tin, hrileng laka invenna tura ruahmanna te hengah te pawh hian hei, Covid 19 hri kan vei mek a, kan kai mek a, chungah chuan mi tam takin nunna kan chan a ni a. Chung tea chhawmdawl nan ex-gratia, compensation pawh thahnem tak mai mi 420 hnenah pek an ni ta te leh tuna kal meka pek zel tura hmachhawp a han awm te hi a lawmawm hlein ka hria a. Tin, hei Covid dona a thawh hlawk tak mai VLTF leh LLTF member te leh kan volunteer Covid hri avanga boralte, a bik takin kan State-in ruahmanna an siam sak a, heng avanga boralte hnenah nuai 20 pek tura a tih, tunah hian Pu Spaker, vanduai thlak taka nunna chan mi 3 te hnenah pawh pek an ni a. Hengte hi a lawmawm ka ti a, lawmthu kan sawi ani. Tin, hei kan budget a lo lang pawimawh tak mai pakhat chu 'Prime Minister Development Initiative for North-East' tih hi a ni a. Pu Dy. Speaker, NEC kaltlang a kan sum hmuh tur hlawm lian tak mai Budget-ah kan Finance Minister-in a rawn pharh ta hi a lawmawm ka ti khawp mai a.

Hei Aizawl by pass road khawthlang lamah siamna tur 500 crore lai mai project a lo lang te hi a van lawmawm em! Kan khawpui tan hian hmasawmna ropui tak a ni a, kan khawpui lun leh tawt tawh tak tihziaawm nan hian thil tangkai tak a ni dawn a ni. Hetiang hi Union Budget-ah pawh lang zen zen lo tun hnaia thilthar lo awm kan budget a a lo lang ta hi a lawmawm ka ti khawp mai a. Tin, hei Bamboo Link Road siamna tur te pawh hi thilthar hlawk a ni a vaibelchhe 100 lai a lo langte hi a hluin a lawmawm ka ti khawp mai a. Maute hi an awm duhna leh an to that duhna hmun chu kawrpui kam te leh hmun remlo lai tak takte a ni a, hengho lachhuaka kan mipui tena sum tam tak an hmuh theihna tur hian link road tel lo chuan head-load ringawt, kawng mumal awm lova han lachhuak tur chuan harsatna lian tak thleng thei leh hlawk lo a ni a. Hengah te hian ruahmanna thar, thil la awm ngai lo *Bamboo Link Road* mipuite tan, kan lo neitu kan farmer te tana rawn chhawpchuah anih hi lawmawm ka ti a, lawmthu ka sawi bawka a ni

Pu Dy. Speaker, he Externally Added Project (EAP) ah hian thil tam tak a lo lang a, chung zingah chuan pawimawh ka tih deuh Cancer Hospital Project, State Super Specialty Cancer Hospital Project siamna tura ruahmanna lo kal vaibelchhe 500 hi a manhla hlein ka hria. Pu Dy. Speaker, ka sawi duh chu, Mizo mipuite, a bik takin kan senior hote natna tlanglawn tam ber chu cancer a ni a. Cancer hian min run a min tibuai a, min tichhia a, sum tam tak phairamah te kan in refer a, kan neih piah bak bak kan seng thin a ni. Chutiang khawp chuan he cancer hian Mizo mipuite min run a, min tichhia a. Chuvang chuan, heng a lo lang te hi lawmawm ka ti khawp mai.

Tin, UD & PA hnuai Aizawl City siamna tura vaibelchhe 1958 lo lang te pawh hi lawmawm ka ti khawp mai. Ka han sawi leh duh chu, pawimawh tak kan flagship programme Socio-Economic Development Policy (SEDP) hnuai cheng vaibelchhe 700

lai mai a rawn lang ta hi a thlamuan thlak hlein ka hria a, hei hian kan kut hnathawktu te lam a hawi suau mai a, a tak takin family development na tur a vaibelchhe 350 lo lang te hi a thlamuan thlak hle mai. Hei hi tun budget-ah chuan pawimawh ka tih ber te zing a mi a ni a, a lawmawm ka ti tak zet zet a ni.

A tawp berah chuan, All India Service leh Central Service lam atana hmasawwna tur vaibelchhe 2.60 lai mai Youth Commission hnuai dah a ni hi lawmawm ka ti a. Kan thalaite Central Service-ah IAS ni turte leh service dang dangah an lan theihna tura ruahmanna a lo lang hi a lawmawm ka ti tak zet zet a ni. Pu Dy. Speaker he budget hi a rintlak a, thlamuan thlak hlein ka hria. Ka lawm e.

DEPUTY SPEAKER : Awle, a lawmawm e. Tunah chuan member zahawm tak Pu H. Biakzaua i lo sawm ang u.

PU H. BIAKZAUA : Pu Dy. Speaker, ka lawm e. Covid 19 hrileng avanga harsatna nasa tak kan tawh mek lai a kan Chief Minister zahawm takin kum 2022-2023 budget estimate he House zahawm taka a rawn pharh thei hi lawmawm ka ti tak zet zet a ni. Sorkar agenda a tello budget estimate siam lai pawh a tello ramri buai, Covid hrileng, Myanmar raltlan tihte sum tam tak hman ngai a lo awm a. Tin, sum kan hmuh tur a kan ngaih kan hmuh leh si loh kum 3 chhung belhkhawm chu cheng vaibelchhe 2632.58 lai a ni a. Hetiang khawp a harsatna kara hmasawwna hrang hrang thawk thei tura Sorkarin ke an pen thei hi kan Chief Minister a fakawmin a lawmawm hlein ka hria a ni. Sorkar hmalakna tha tak mai sum tam zawk dapchhuak tu leh hmanchhuah ti tlemtu tur Mizoram Resource Mobilization Committee din a ni hi a tha khawp in ka hria a.

Tin, chumi ruala ‘Main Power Assessment Committee’ post ruak hnawhkhah leh siam belh chungchang thlirtu tur committee kan nei hi a lawmawm hle bawkin ka hria. Pu Dy. Speaker, kum 2022-23-ah kum kallai RE atanga teh in 16.76% a GSDP sang zawk tura beisei kan han nei thei te pawh hi thil lawmawm leh chhinchhiah tlak tak a niin ka hria a. Kum 2022-23 BE ah cheng vaibelchhe 1,419.69 a revenue surplus nei thei tur anga hmathlir beiseina kan neite pawh hi a lawmawm takzetin ka hria a. Budget tharah Sorkar leiba 31.81% a tlak hniam beisei a ni a, a lawmawm hle a ni. Kum 2017-18, Fourteenth Finance Commission kan hman chung khan 41.85% kan leiba kha a ni a, zawi zawiin a thlahniam zel a, nakum kumthar BE ah 31.81% a thlahniam tura beisei a han ni hi a lawmawm takzetin ka hria a ni. *State own tax* leh *non-tax* ah kum hlui aiin BE tharah 4.19% a sum hmuh tam beisei a ni a, hmasawwna hetah hian a lang thei niin ka hre bawk a ni.

Tax Devolution-ah kumhlui aiin BE tharah 22.70% in a tam zawk a, hei pawh hi kan budget a lo thang zel ani tih a hriat a, a lawmawm takzet a ni. CSS atangin sum head hrang hranoah sum hmuhna tur kan nei nual dawn niin kan budget bu en khan a lang thei a. Local Body Grant Fund kan hmuh tur hi Rural Body Grant ah 2.90% leh Urban Body Grant ah 2.94% in BE tharah a pung dawn a, a lawmawm takzet a ni.

State Disaster Risk Management Fund ah 47 crore atangin 49 crore-ah a lo pung chho ta bawk a, tah pawh hian thanna kan han nei leh thei a. Tin, Covid avanga nunna chan te sing nga zel pek an ni chho te hi a tha khawp mai a. Tin, VLTF duty laia vanduai palh an awm chuan cheng nuai 20 a ral thin a ni a, mi pathum lai a lo ni tawh a ni. Tin, henge pawh hi a hun tur ni 30 September 2021 kha tawp tura ngaih anih laiin kan Chief Minister te thahnemngaihna avangin tunah pawhsei leh a ni a, a thlamuanthlak hle in ka hria a ni.

Health Infrastructure leh Facility atan Health Grant ah vaibelchhe 1.19 dah a nih hi a lawmawm takzet in ka hria a, a thlamuanthlak ka ti a. Prime Minister Development initiative for North East PM-Devine Aizawl bypass on western side, crore 500 leh bamboo link road crore 100 kan han nei thei te hi kan CM hmalakna central sorkarin a ngaih pawimawhna leh khulam ina priority an lo pekna niin a lang a, a ropui ka ti a, kan CM zahawm tak hmalakna a chhuanawm takzetin ka hria a ni. Internal-ah hian crore 2429-a beisei a ni aclone te leh EAP hnuai grant hmang tein leh *Financial Assistance to State for Capital Expenditure* atang te hian hmasawna ruhrel hmalakna tur kawng hrang hrang beiseina budget tharah kan han nei chho tur te hi a lawmawm takzet in ka hria a ni.

Revenue expenditure hi a sanglo thei lova, kumtinin kumhlui aia dahbelh ngai chi deuh a ni a. Kuminah 8.57% in sorkar intuamhlawmna tur revenue expenditure dah a nih hi sorkar tha taka a kal theihna tur anih ka beisei a. Tin, *Mizoram Victims of Crime Compensation Fund* siam thar tur hi thil thar la awm ngailo leh kan la neih ngailoh niin ka hria a, chumi hmalak tanna atan crore 1 sum dah nghal a nih hi a lawmawm takzet in ka hre bawk a ni.

Capital Expenditure lamah hian BE atanga 28.57% kan nei thei tur hi a lawmawmin ka hria a, Covid hrileng kara hmasawna ruhrel hnathawh tur ruahmanna Capital Expenditure lamah eng emaw zat sum ruahman theih anih hi a lawmawm takzet a. Sorkar flagship programme SEDP-ah cheng vaibelchhe 700 chhungkaw lam hawi atan vaibelchhe 350 a lo lang hi sorkar flagship programme tih hlawhtlinna hmanraw pawimawh tak a lo ni dawn a, hei hian kan economy, thingtlang lam leh a kilkhawr zawka awm te nasa takin a tanpui dawn niin ka hria a, a lawmawm takzet a ni.

Tin, kan thalai te All India Service leh Central Service lama hmalam a en ve theihna tur atan MYC ah cheng vaibelchhe 2.60 dah anih hi kan CM zahawm takin thalaite a veina leh he sorkarin hma a sawn tumna duhawm tak a niin ka hria a, lawmawm ka ti takzet bawk a ni. Covid hrileng karah MP te pawhin fund mumal an neih theihloh laiin MLA fund kan han nei thei leh tur te pawh hi thil lawmawm tak a niin ka hria a ni.

Pu Dy. Speaker, ADC te sum hman tur nikum BE aiin kuminah 9.08% laiin a sang zawk a, a lawmawm takzetin ka hria a. Sum harsatna karah Sector hrang hrangah sum dah tam theih a nihloh laiin sorkarin ADC te hmangaihna leh lainatna helaiiah hian a nei lian hlein ka hria a, kan CM a fakawm hlein ka hria. Sum an duhtawk leh an mamawh tawk ang te ni diak diak theilo mahse ADC te tan a vanneihthlakin ka hria a ni.

Tin, Lunglei Municipal Council din tanna tur atan cheng vaibelchhe 80 dah a ni hi a lawmawm hlein ka hria a, sorkar ina *democratic decentralization*, grass root level a ngaih pawimawhna a lang theiin ka hria a. Democratic Decentralization hi kan ram hian a mamawh takzet niin a lang a, chumi hmalakna zinga mahni thuneihna pawh inhlip thla a, thuneihna midangte kuta dah chhawng leh zel thei tura hmalakna a lo lang hi a lawmawm ka ti khawp mai a ni. Pu Dy. Speaker, kum 2022-2023 BE aia a tamna cheng vaibelchhe 14,008.15, nikum BE aia a tamna cheng vaibelchhe 2859.26 leh 25.65% a kan budget estimate a lo pung-chho ta hi lawmawm ka ti takzet a, hetiang budget hi, duhtusam leh engkim changtlung diak diak nilo mahse tun dinhmun atan chuan he kan CM zahawm takin kan budget a rawn pharh hi a duhawm hlein ka hria a, kan CM zahawm tak leh kan Finance Minister ni bawk chungah pawh lawmthu ka sawi a ni. Ka lawm e.

DEPUTY SPEAKER : Awle, tunah chuan Member zahawm tak Pu Lalrinsanga Ralte i lo sawm ang u.

PU LALRINSANGA RALTE: Pu Dy. Speaker, ka lawm e. Hei, kan han en a kan CM zahawmtak kan Finance Minister ni bawk Budget Speech te kan han en a, a ropui hlein ka hria a. Tin, kan hre theuh a, Covid hrilengah harsatna hrang hrang kan ramin a tawng chho a, chutiangah chuan harsa takin State sorkar pawh kan awm a, Central Sorkar pawh an tlahniam hle mai a, an economy dinhmun pawh. Chutiang karah chuan kan Finance Minister zahawm takin hetiang budget tha, tun dinhmuna a bak awmlo min chhawpchuah sak hi a lawmawm hlein ka hria tih hi a hmasa berin ka sawi duh a ni.

Pu Dy. Speaker, ka han sawi leh duh a chu, Fiscal Policy Strategy Statement chungchang tawite han sawi ve ka duh a. 14th Finance Commission khan State tinte an dinhmun insiam thaa leiba nei lutuk lo tura ruahmanna siamin 2024 leh 2025-ah chuan an leiba, an sum thawhchhuah GSDP atanga 3% aia sum leh pai indaihlohna fiscal deficit kha neilo turin min han ti a. Chutiang tur chuan kan sorkar pawhin theihtawp chhuahin hma a la a, chutichung chuan Covid hripui te, lirnging te, ramri buai leh harsatna chi hrang hrangin min tlakbuak a ni. Chuti chuan, 2021-2022 ah 5.2% a ni a, tun 2022-2023-ah 4.1% a tih tlak tumin, 2024 -2025 ah chuan 14th Finance Commission duh ang ngeia 3%-a tlak hman tura ruahmanna kan Finance Minister-in a rawn siam thiam hi ropui ka ti a. Chuta fiscal policy te a hlawhtlinna tura kan CM, Finance Minister zahawm tak ni bawk ina ruahmanna a rawn siam thenkhat ‘Resource Mobilization Committee’ te hi a tangkai hle dawnin ka hria a ni.

Pu Dy. Speaker, kan hre theuh a, Revenue nei chau state kan ni a, keimahniin thawhchhuah mumal kan nei lova Central atanga dawng deuh vek mai kan ni a. Chuvang chuan keimahniah hian leiba kan rulh ang a, thawhchhuahte a tam ve theih ang tih Finance Minsiter-in ngaihtuahna a rawn hmang hi a ropui ka ti a ni. I & PR report-a ka lo hmuh danin, Aizawl District chungah ringawt hian VAT hun laia mipuiin kan chawi tawh dealer ten an la chhunluh loh hi crore 63 chuang awm niin ka hria a. Heng ang zawng chhuaka, hmuchhuaka sorkar a rawn luh ngei theihna tura ruahmanna chak zawk kan neih hi a tul hlein ka hria. Tin, Committee chairman-ah Pu H. Rammawi tawn hriat ngah a han awm a, theihtawp chhuah turah kan han ngai a, chak leh zuala sorkar pawhin kan umzui pui a tulin ka hria.

Tin, expenditure policy ah hian manpower assessment committee hi a pawimawh hlein ka hria a, kan state budget atang hian inrelbawlna lam hi a awm viau thin a, ‘revenue expenditure’ kan tih kha, ‘capital expenditure’ kan tih kha a tlem viau thin a. Chutiang ang han siamrema capital a san a, revenue expenditure a lo tlem theihna tura ruahmanna pawimawh tak niin ka hria a ni. Heng Committee te hian sorkar hnathawk leh thil dang dangah hian mihring an indaih reng em, hemi post-ah hian hemi tel lo hian a awm theih em tih zawng chhuak tur tur committee te an ni dawn a, chuvangin chak taka hma la chhunzawm turin ruahmanna sorkar pawh hian neih pui zung zung ila thain kan hria a ni.

Tin, Pu Dy. Speaker, Capital Expenditure hi ‘ro-ting leh hmasawna tur a ni’ kan tih tawh kha. Hri leng karah sorkar pawh a tal buai chho khawp mai a, kum 2021-2022 BE-ah khan capital expenditure atan vaibelchhe 1,932.50 dah a ni a, tun 2022-2023 budget estimate ah hian vaibelchhe 4,001.64 dah a han ni ta hi a lawmawm hlein ka hria. Tun financial year kal lai mek BE aiin 107.07 zetin a sang a ni. Ram hmasawna

hnathawhna tur anih avangin dah tam theia ngaihtuahna rawn seng tu kan Finance Minsiter hi a ropui ka ti hle a ni.

Tin, kan Budget bua lo langah hian ropui em em mai tih ka nei a. “Prime Minsiter development initiative for North East (PM-Devine)” tih hi a ni a, kan hre theuh ang a, crore 6 chuang PM scheme hnuaiah hian kan hmu dawn a ni. Pu Dy. Speaker, ka hriat dan hi a dik em ka hre lova, ‘Bamboo Link Road’ kan tih te, ‘Aizawl by-pass road’ kan tih te, Bamboo Link Road phei chu Union budget head-a ziah lan a nih hi a vawikhat na niin ka hria a ni. Kan thawh-chhoh dan leh kan mamawh-chhoh dan a zira hmuh zel pawh beisei a ni. Bamboo Link Road hi a pawimawh hlein ka hria a. Mizoram hi kuthnathawka eizawng kan ni tlangpui a, kawng mumal kan neih thatloh avangin kan thar hlawk hlei thei thin lo a ni. Chuvangin, Bamboo Link Road hi thiam taka kan hman phawt chuan a kal kawng chhawr tu tur mi tam tak chu huan lo ram neite anni dawn a ni. Hei hian chhungkaw tam tak sum lakluh a tipung ngei dawn a ni.

Tin, NABARD loan hmanga rural infrastructure tih hmasawna tur hna thawh chhunzawmna turah hian, thingtlang kuthnathawktute lam hawiin he sorkar hian ke a pen zel a ni tih a rawn langin ka hria a ni. Tin, kuthnathawktute an huan hmuna power supply pekna tura ruahmanna a han awm hi a lawmawm hlein ka hria. Vanduaithlak takin ramriah harsatna kan tawk a, kan leilet leh huan hmun tam tak te hi vaiin an enkawl thin a ni. Tuna harsatna kan han tawh takah hian, kuthnathawh lamah kan han harh chho ta a. Ka bialah phei chuan Agriculture a ni emaw, Horticulture a ni emaw potential area tha lutuk mai a ni a, chulaiah chuan hnamdang rawn luh theihloh avangin keimaniin kan han in enkawl chho ta a, hlawk zawka kan thar chhuah theihna tur te, kan huan thlai kan enkawl na turah pawh power supply hi kan mamawh tak zet a ni. Chutiang ruahmanna a han kal chho te hi a lawmawm hlein ka hria.

Thil lawmawm deuh mai han lang leh chu ‘SEDP’ hi a ni a, crore 700 a awm a, finance minister hian a dah thiam hlein ka hria. Crore 350 (a chanve) hi family development lam hawiin a kal dawn a, vaibelchhe 800 chu sorkarin tul atih anga hman turin a dah hrang a. Chutah chuan he vaibelchhe 100 hi family lam hawi pawhin an hman leh ang a, a tul anga ruahmanna awm thei tura dah hranna chang a hria te hi lawmawm hlein ka hria.

Pu Dy. Speaker, crore 100 lai mai khatianga ruahmanna han siam leh theihna tura a han dah hrang te kha a ropui ka ti a. Tin, State-in kan pawisa crore 700 hi mipui kuthnathawktute leh harsa zawk te lam hawi lova, eng emaw ngaihtuahna dang hman chu ni ila crore 700 hi a vaia sem mai awm tak anih rualin, rawn let leh tur awma *counterpart funding* central atanga kan sum hmasawna tur atana kan sum hmuhna tur

te lo do letna tur crore 200 dah a ni te hi a tha hlein ka hria. Kan vaia kan chhawr, kawng siamna tura crore 50 dah hran a ni te hi a lawmawm hlein ka hre bawk a ni.

Tin, All India service leh Central Service lama thalaite an luh theihna tura sum ruahman hi a lawmawm hle a ni. He thil pawh hi ka bialah a takin kan tawng a, kan hnam tan hian All India Service a ni emaw, Central Service a ni emaw a mizo thalaite kan luh tam hi a tul hlein ka hria. Vairengte daiah inkahna a han awm a, chulaiah chuan kan CM zahawm takin instruction a pek ang kan Chief Secretary, Mizo tlangval ngeiin huaisen takin anmahni chhawrtu central sorkar thu zawm lova a han kal tlangpui ngam te kha a ropui ka ti a ni.

Tin, MLA fund atan sorkarin pawisa min han pe leh thei te hi a ropui hlein ka hria. India sorkar ropui khuan financial year vawihnih chhung MP te fund an pek theihloh lain, waviin niah kan state-ah harsa tak chungin Finance Minister-in min la pe reng thei te hi a lawmawm tak zet a ni. Kan CM hi rilru te veuh tak nei ni se chuan kan vai mai hian MLA fund hi min han pe ta lo se, Pu Deputy Speaker, i veilama mite hi chuan hreawm an ti ngawt ang. Chutiang engmah rilru pu lova central sorkarin an tih hleih theihloh min la pe zel thei te hi a lawmawm hlein ka hria.

Tin, a tawp nan, Sinlung Hills Council tan vaibelchhe 6.01 dah a ni hi a lawmawm hle mai a, 2021-2022 khan vaibelchhe 4.08 a awm a, kan Chief Minister ka ngen duh a chu, ‘hmar tlangdungin engvangin nge silai kan lo put chhuah’ tih hi waviin niah ka rilruah a lang thar em em a ni. Development kan tlang dungah hian awm ve se kan duh a, tawngka lamah Hmar tlangdung chu ‘development thlawh khum’ tih tein sawi kan ni thin a. Chuvang chuan kan Chief Minister zahawm takin chumi hria a Sinlung Council te intuamhlawmna tura pawisa a han dah hnem hi lawmawm hlein ka hria. Mahse khaw tam tak Sinlung Council hian a huam avangin pawisa hi a tam kan tih rualin, kan mamawhna te hriaa, kan tlangdung hmasawmna nasa taka thawh tur la awm kal lai anih avangin, kan Council tan hian ngaihtuahna senga sum leh pai kan dil pawh min ngaihtuah pui turin ka ngen a ni.

Tun dinhmunah chuan, ‘hei aia budget tha hi a awm lo a ni’ tih ka han sawi duh a ni e. Ka lawm e.

DEPUTY SPEAKER : A hmang zo vek mai a. Engpawhnise kan chhun chawlh a lo hun a, chawhnu dar 2:00-ah kan tan leh dawn nia.

Dar 2:00 PM

DEPUTY SPEAKER : I thu ang u. Tunge kan han sawm ang le? In va phar lo ve. Naktukah khan kan inhnawh leh vak ang e. Minute 10 phei chu a rei angreng a, kan darkar neih zat han sem ta ila, a awl tam vak thei lo a nia. Kan inkhek khal deuh em ni? Member zhawm tak Pu Zaithanzama i lo sawm ang u.

PU V.L. ZAITHANZAMA: Pu Deputy Speaker, ka lawm e. Vawiinah budget sawihona hun tha tak mai kan nei a, a that zia kan ngaithla a, tawngkam thiam tak takin ngaihnaawm tak taka an sawi te kan ngaithla tawh a.

Budget hi ka han en ve a, ka thiam ang angin, ka rilrua lo lang chu, ‘ngaih tithalo budget’ ni hian ka hria a, ka ngaih a thalo a ni. Kan budget-ah hian SEDP-ah vaibelchhe 700 lai mai kan han dah a, 400 vel dah turah ka lo inngai a, a zahve 350 kha sem ral tur a ni a. Kan lo hriat angin hei hi a dawngtu tur kha party unit-te kha kan thlan tir emaw ni leh nghal a, sorkar sum party unit khawih tir daih mai kha ngaih a tithalo hle a ni.

Budget speech-ah khan kan House Leader zahawm tak, kan Finance Minister khan sum harsatna kan tawh mek thu kha bul tanna atan a rawn hmang a. Hun hmasa lamah chuan ‘khawh liam pur pur’ kha kan sawi thin a. Inring tawk takin, tun tum chu sum harsatna sawi hmasa siin, kan revenue expenditure te kha kan lo beiseiloh tak maiin a rawn *minus* thung a, capital expenditure-te a rawn *plus* thung kha ka ngaih a tithalo a ni. *Ways and means advance* hmanga sum puk ngai cheng vaibelchhe sang zet ruahman lawk te khan ngaih thatlohna a ti zual a.

Kan budget hi han en mai chuan a tluang purh mai a, amaherawhchu, han bih chet chet hian ngaih ti thalo a awm nual a ni. Lunglei Municipal Council bul tanna a tan cheng nuai 80 dah te kha chu a tha viau a, tha takin an hmang turah ngai ila. Ka ngaih that lohna ti zualtu chu, sorkar hnathawk tan sum dah cheng vaibelchhe 3,615 zet kha nikum ai khan a tlem a, kum kal ta pawh khan kan buai hle mai a, a hunah hlawh pawh kan pe thei lo kha a ni a. Tunah hian chu aia tlem chu kan han dah ta a ni a, engtin nge kan kal zel dawn hriat a ti har a ni. A daihlo sain kan dah a, sum kan divert kual leh vak vak dawn ni hian ka hmu a, chu chuan ka ngaih hi a ti tha theilo a ni.

Tin, leiba kha a pung a, leiba hi chu a pung ziah nanga, a punna hi vaibelchhe 930 zet mai hi a ni a. Ba hi kan rul leh dawn a, tunah pawh kan rulhna tur te kha kan hmu a, kan puk leh tur pawh kan hmu a, kan rulhna aia tam puk leh zel ngai kha kan dinhmun a ni.

Bamboo link road te kan hmu a, vaibelchhe 100 zet, a pawisa han chhiar mai kha chuan a lawmawm hle mai a, bamboo link road atana vaibelchhe 100 zet mai kan han hmu kha. Amaherawhchu, kan han lai ang a, ramngaw tam tak kan tichhia ang a, fur khat bak kha a daih kher lo ang a. Ka rilru latu tak erawh chu, ‘bamboo link road laih nan vaibelchhe 100 zet kan hman ang a, mau hralh nan vaibelchhe 100 kha kan hmu pha lo ang’ tih a hlauhawm a, ‘fimkhur a va ngai dawn em ve aw’ tih te ka rilruah a awm a.

Tin, ‘construction of Aizawl bypass on western side’, cheng vaibelchhe 500 kha a lawmawm hle mai a. Amaherawhchu, ‘Aizawl bypass on western side’ tih kha hmar lamah kan hman dawn a, tlak lamah kan hman dawn emaw ka ti a, ka lo lawm tehlu nen. A hming chu a hming a ni ta mai awm e, khang neuh neuh kha ka rilruah a awm a, kan ti lang ve a ni.

Pu Dy. Speaker, sum indaihlohna a na a, kan inngahna ber chu central min pek kha a ni mai a. Mizoram-ah ‘thawkhhuah tih tham kan neilo’ kan tih laiin a thawk chhuaktu department ber Taxation Deptt. budget kha 1.17-in an *minus* tlat mai a, kan inngahna pui ber a ni a. He deptt. hi hi ti chak ila, phur se la, sum tam zawk rawn thawkhhuak tura kan beisei laiin, a thawk chhuaktu ber department kha budget kan han pe tlem daih mai a. Kumin kum kal mekah pawh an budget-ah vaibelchhe 650 estimate kan siam sak laiin, vaibelchhe 7,000 chuang an rawn thawkhhuak daih tawh a. Kan sorkar pumpuina vaibelchhe 719 thawkhhuak tura kan inbeisei laiin, Taxation Department ringawt hian an rawn khum daih a ni, January thla khan. Kum tawpah engzatin nge an khum dawn tih pawh a hriat loh a ni. Hengte hi tichakin budget tam zawk te pe ila, ‘expenditure a ni lova, investment a ni’ ka ti thin a, Taxation-a pawisa kan dah te hi chu. Chuvang chuan, Taxation Deptt. hi a leh pekah chuan ‘duat tawh a tha mang e’ tih te kha ka rilruah a awm a ni.

Tin, Commerce & Industries pawh hna a tam tehlu nen, sum thawkhhuak thei tur department-a ka ngaihah hian an budget hi 18.52% zet in a rawn tla hniam bawk a. Pu Dy. Speaker, helaiyah hian thil lawmawm angreng deuh mai ka hmu a. Assessment Committee din niin, he Committee hian post siam belh tur emaw, chelh zel turte, sorkarin a mamawh anga tul zual bik post ruak hnawh khah theih turte a lo en dawn a ni. Hei hi a tangkai hle turah ngai ila, a tangkai theihna turin sorkar huaisen erawh chu kan mamawh dawn a ni. Kan insiam rem ngam hi a ngai tawh a, kan sorkar set up hrim hrim hi. Secretariat-ah khuan kan kal thin a, a bik takin Assistant, UDC leh LDC te khu eng department-ah mah khuan an indaihlo niin ka hria. Post ruak tam tak a awm a, khawi department-ah pawh hian a thawk tak taktu bawr hi an ni a, hengho hi kan ngaihtuah a ngai a. Post ruak tam tak hnawhkhat turin thangthar thawh chak, mithiam kan ngah tehlu nen, kan han dah ruak reng mai hi paw ka ti tak zet a. Hengte hi he committee

hian huai takin a la rawn siamrem ngam turah ngai ila. Chutih laiin a chung lampang erawh hi chu kan indaih khatin ka hria a, a indaiha te lam tlema a awmze nei deuha zawi zawia siamrem a, a indaihlo hnathawktu rawn siamrem turah ka ngai a.

Tin, sum puk chungchang ka hmuh khan, SEDP te nen pawh a ni ang chu, sum kan puk rau rau anih chuan a rawn thawkchhuak leh tur assets siam nana hman a thain ka hria a. Ka rilru a rawn awm zawk pakhat chu, SEDP-ah ₹700/- crore zet kan dah thei a nih chuan, hmanni kum hnih khat kalta a kan hluihlawn tak Tuirini Small Hydel Project 24 mW, a project cost kha 465 crore chauh a ni a. Kan mamawh em em, a loa kan awm theihloh siam nan hian a tul chuan ‘huai takin sum i puk ngam ang u’ tih kha ka rawn sawi tel leh hram a ni.

Pu Dy. Speaker, hun tha tak min pe a ka lawm a. A pawimawh ber erawh chu, budget tha leh tha lo chu a hmannaah kan lo thlir dawn a ni. A hmanna lamah a that leh thatloh chu kan la hria ang chu. Ka lawm e.

DEPUTY SPEAKER : Member zahawm tak Pu BD Chakma i lo sawm ang u.

PU B.D. CHAKMA : Pu Dy. Speaker, ka lawm e. Finance Minister thusawiah khan thudik point 2 awmin ka hria a, i phalnain ka han chhiar ang a. –

‘Sir, as we know, the State is facing major financial difficulties, I believe it is important to make the people aware of the grim facts that have driven the State to reel under such financial distress.’ tih kha a tha ka ti lutuk a. Tunah hian sum dinhmun chhe tak karah kan ding a, Covid kan tuar nasa a, paw ka ti khawp mai a. Engpawh nise, Covid hi khawvel atang hian awlsam takin a bo dawn lo tih hi thil Chiang a ni a. Khawvelah hian malaria ang chiahin a awm reng tawh dawn niin a lang a. Chuvangin, Covid hrileng karah pawh, ‘Mizoram sum hi eng angin nge hmang ila tha ang’ tih sawi theihna hun ka nei hi lawmawm ka ti a.

Nikum lam aiin kumina kan budget hi 26.5% in a pung a. Central atangin nikum lam aiin kuminah sum kan hmu tha zawk a, central sorkar-ah pawh he House atang hian lawmthu ka sawi duh a. Chutih rualin Pu Dy. Speaker, i dinglama MLA rual zahawm tak ten an sawifo thin ‘Aizawl bypass road crore 500 leh bamboo link road crore 100 crore awmah hian lawmthu ka sawi rualin, a bik takin bamboo link road chungchangah, ‘grant hi engtia hman tur nge’ tih hi ka ngaihtuahnaah a awm a. Tun thleng hian Mizoram-ah bamboo plantation avang hian Mizoram sik leh sa pawh a tha rih niin a hriat a. Mahse, duh duhnaah bamboo link road laih anih dawn chuan, kan ramngawte a tichhe vek ang tih a hlauhawm viau a ni. Tin, chubakah, hei hi *tied fund* a ni thei dawn

em ni ka ti a. Agriculture lamah kan hman theih ang em, bamboo link road anih si chuan; tin, bamboo plantation awmna hmunah chauh kal tura tih nge tih te ka ngaihtuahnaah a awm a. Tin, bamboo link road te lo awm ta se, kan mau tam takte hi khawiah nge kan hralh ang, tin, kan ramngawte a tichhe dawn lo em ni tih te ka ngaihtuah bawk a. Chuvangin, kan Finance Minister zahawm tak, Chief Minister ni bawkin hei hi khawngaih takin wind up naah min hrilhfiyah thei se, bamboo link road a tana crore100/- crore hi bamboo-ah specific takin kan hmang dawn em tih te pawh.

Tin, District Council hi tlema sawi ka duh a. A bik takin CADC area MLA ka nihna angin he House zahawm takah hian tlem ka han sawi duh a. Tun thleng hian CADC financial management hi a chhe lutuk a, abikin tun term 2018 atang khan a chhe lehzual a ni, Pu Dy. Speaker. Kum kal ta khan budget deficit crore 28 a awm a, tin, kum tawpah pheh chuan crore 34-a a kaichhoh rin a ni. Chutiang ni siin CADC tan hian additional budget-ah crore 13 chauh hmuh a ni a. Budget deficit crore 34 neih anih lain 13 crore chauh make out theih a nih chuan crore 21 deficit a la awm dawn tihna a ni. Pu Dy. Speaker, chutiang dinhmuna ding siin CADC ah hian retrospective date siama pay upgradation te, new recruitment te, post vacancy fill-up te tam tak a awm a ni. Chuvangin, hei hi a kalphung min siam that sak turin Governor zahawm tak hnenah pawh wawi tam tak ngenna ka thehltut a. Vawiin ni-ah he House-ah hian lawmthu ka sawi duh chu, Zirtawpni kal ta khan Governor hnen atangin Notification a lo chhuak a, CADC ah ‘one-man enquiry commission din ni se’ tih kha a tha ka ti khawp mai. Lawngtlai DC Pu Andrew hi mi tha leh lehkhathiam taka ni bawk a, ama enkawl na hnuaiah thu dik tak a chhuak ang tih ka ring nghet tlat a, Pu Dy. Speaker, ‘the truth will come out’ tih kha ka sawi duh a ni. Report submit huna tan ‘within 30 days’ tih kha a ni a, he report-ah hian thil dik lo tam tak rawn lang chhuak dawnin kan hria a. Chakma Autonomous sum dinhmun hi enkawl that a ngai a, serious deuhin enpui a ngai a ni. Finance Department lam atang hian an enkawl tha lo deuh em aw te kan ti a, sum hi khawi atangin nge an lak thin, loan hi khawi atangin nge an pek thin, heti zozai budget deficit awm ta mai. Khang kan sawi tak regularization, post filling, upgradation etc. te kha khawi atang nge pawisa hi an pek thin ka ti a ni. Hei hi thuruk nge, diklo takin an budget hi an parh thin tih rinhlelhna a awm a ni.

Chuvangin, Pu Dy. Speaker, Mizoram Budget chu central-ah kan inngat si a, 90% central atangin a lo kal a, 10% State share hi kan pek theihloh lainn hetiang dinhmunah hian kan awm a ni a. Chuti chung chungin kan budget hi crore 26.5 a tihpun a ni hi a lawmawm ka ti a.

ADC chungchang hi, Pu Dy. Speaker (**Deputy Speaker:** Minute khat i la nei e.) Minute 5 additional time a awm ka beisei. State budget crore 26.65 in a pung a, mahse ADC budget chu 9% chauh a ni. Population per ratio basis-a kan hisap dawn chuan,

Lai, Mara leh Chakma ADC te hi Mizoram pumpui population-ah hian 15% vel chauh kan ni a. Chutiang hmanga kan budget hi pek kan nih chuan, total budget-a *Mizoram Consolidated Fund of the State* atang hian tlem berah 15% tal kan dawng thei dawn lo em ni ka ti a ni, Pu Deputy Speaker. Ka lawm e.

DEPUTY SPEAKER : Member zahawmtak Pu Nihar Kanti Chakma i lo sawm ang u.

PU NIHAR KANTI CHAKMA: Pu Deputy Speaker, ka lawm e. Tun Ministry ah hian vawi 4 budget kan pharhna a ni a. Pu Deputy Speaker, kan Chief Minister zahawmtak, Finance Department changtuin kum 2022-2023 budget a rawn pharh kha tawi tein sawi ka duh a.

Hei kan hre vek a, a total budget hi ₹14,008.15 crore a ni a. Chuta kan revenue expenditure kan hmuh danah chuan ₹10,006.61 crore a ni a. Revenue Expenditure hi a tam chuan, ka hriat danah chuan budget tha a ni ngai lova, tin, Capital Expenditure a kan hmuh danah erawh chuan ₹4,001.64 crore a ni. Revenue Expenditure a tam chuan mipuiin direct benefit an nei lo. Chuvangin, he budget hi ‘a tha’ tia sawi theih a ni lo a ni. Kha kha budget tha hi kan sawi thei lo a ni.

Pu Dy. Speaker, para 2-naah Chief Minister zahawmtakin a budget speech-ah chiang deuhin sum lama kan harsat thu a bul tanna atan a hmang a, a lungchhiatthlak a ni. Nichina kan sawi tawh ang khan, tun sorkar hian budget hi a vawi 4 pharhna a ni a. Kum tinin budget hi pharh thin a ni a, mahse, kum kal ta kha kan hre vek a, hrileng vangin mipui kan tuar nasa a, chute siin a bik takin miretheite chan tur budget dah a nilo hi paw ka ti hle a ni.

Chutilaiin lawmna tur budget speech-ah hian a awm bawk a. Kan Chief Minister zahawmtakin a budget speech-ah kan hmu a. Khawvel pumpui pandemic vangin kan buai a, Mizoram pawh kan buai a ni. Tun budget-a lang chu SDRMF atangin Covid vanga nunna chante hnenah ex-gratia, compensation pek an ni tur hi lawmawm ka ti a. Hei hi zawm thei se chu tha ka ti khawp mai, zawm tur te pawhin ka beisei bawk a ni. Pu Deputy Speaker, chutiingin kum 3 deuthaw kan tuar a, ka bialah te pawh mipuiin an tuar nasa a. Sorkar hnathawk, middle income neite tan chuan a ziaawm a, amaherawhchu mirethei tak tak pandemic avanga tuarte sorkar hian a ngaihsak lo hi a paw ka ti a. Entirnan ka bial context han sawi ta ila. Engmah income nei lote engtin nge an survive ang, NREGS awm lo phei se an tuar nasa zual dawn lutuk, amaherawhchu NREGS avangin engemaw zatin an livelihood an kalpui thei hram hram hi a lawmawm hle a ni.

Pu Dy. Speaker, ka sawi leh duh chu, kan budget ‘*Other Important Allocations*’ hnuaiah thalaite All India Service leh Central Service lamah tam thei ang ber an tlin theih nan pawisa ₹2.60 crore lai dah a ni hi lawmawm ka ti a. Hei hi chu a tha a, thil tha chu kan appreciate tur a ni. Mizoram-ah kum eng emaw zat kalchho ta atang khan Civil Service hi kan tling thei lova, tuna hetiang zat pawisa dah a ni hi lawmawm ka ti a, Chief Minister hnenah pawh lawmthu ka sawi a ni.

Chutih rual chuan, Pu Dy. Speaker, kan hre vek a, pandemic vangin School Education Department hi an tuar a ni. Khawpuiah erawh chuan online in class an kal thei a, thingtlangah erawh chuan network tha lo, mobile nei thei lo, a bikin thingtlang Primary leh Middle School level hian an tuar nasa a. Khang zirilaite tan khan sorkar hian ngaihtuahna seng thei se chu a tha khawp ang.

Pu Dy. Speaker, hmannah ka biala Bru khua kan tlawh a, Tlabung bul lawk a ni a. 2018-ah Tripura atangin in 65 din tharin Tlabung bul lawkah an dah a. An khawngaihthlak hle mai a. Basic necessities, entirnan: tui in tur te, school te, electric engmah tun thlengin an nei lova. Heng ho tan hian budget-ah engmah a lang lo hi a paw ka ti hle mai.

Pu Dy. Speaker, budget-a a landanah hian *State Owned Tax* leh *Non-Tax Revenue* atanga beiseina kan nei sang zawk te hian ka ngaihtuahna a tithui a, hei hi mipui hian kan tuar viau ang tih te pawh a hlauhawm a, electric leh tui bill sang te hi kan buaipui leh chiam mai ang tih te ngaituahnaah chuan a awm a, budget-a a lan danah hian.

Pu Dy. Speaker, budget hi ka han en vang vang a, tun ministry hian ngaihpawimawh, priority list a thlan dan hi a thiam lo a ni ka ti a. Priority pek ngai lo priority a pe a, priority pek ngaite a pe lova, a paw ka ti hle mai a. Entirnan, agriculture sector te pawh kan hre vek a, buh ah kan intodelh theilo a ni. Kumtin buhfai lei nan pawisa eng emaw zat nge kan seng thin a, mahse khami sector-ah khan sum dah a ni lova, budget-ah pawh engmah a langlo hi paw ka ti a, heti hi chuan engtinng kan intodelh theih ang, ka bialah te pawh WRC a tam lutuk. Chuvangin, Pu Dy. Speaker, priority pek ngai ho sector kha chu sorkar hian priority pe sela a lawmawm ngawt ang. Ka tawng tuin lo haw lo se, Airport-ah chuan thlawhna engtiklai pawhin a tum thei reng a ni. chutiang bawkin agriculture-ah hian sum tam zawk dah nise, kan buh tharchhuah te pawh a lo pung ang a tha zawk tur a ni a. Chuvangin priority hman dan hi kan thiamlo ka ti a, Pu Dy. Speaker, chu chu tawi tein ka sawi duh a ni e. Ka lawm e.

DEPUTY SPEAKER : A hmang tawh chiah chiah hle mai. Awle, tunge kan han sawm leh ang le? Kan han khaihawm thut mai dawn em ni ang? Naktuk lamah khan hun kha a chep viau thei a nia. Chuvangin tunah hian a inbunruah hunlai tak a ni ang. Tunge kan han sawm leh ang le? House ngaihda kan la ang a, naktuk lamah chhonzawmah kan ti mai dawn em ni ang? Budget discussion hi ni 2 a ni a, hei, member 6 in kan sawi tawh a. Engpawhnise tun hun atan han inbunruah duh kan awm rih si loh chuan naktuk lam atan indah phawt mai ang aw.

Tichuan, vawiin atan chuan kan duhtawh ang a. Naktuk thawhlehi dar 10:30 ah session kan tan leh dawn nia. Awle, vawiin atan chuan kan bang ang.

Sitting is adjourned. (2:34 PM)